

传信适用方

吴彦夔

文硕阁

wenshuoge.com

目录

关于我们	3
提要	5
传信适用方卷上	6
传信适用方卷下	35

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案传信适用方二卷旧本不着撰人名氏宋史艺文志载此书亦不云谁作而别有刘禹锡 信方二卷考此书每方之下皆注 自某人中有引及和剂局方者必非禹锡书也马端临文献通考有 道适用方二卷陈振孙云称拙庵吴彦防淳熙庚子撰与此卷帙正同知此即彦防之书通考屡经 写讹信为道也此本由宋槧影写前后无序跋所录皆经验之方最可依据中有八味圆问难一条尤深得制方之防其余各方虽经后人选用而采择未尽者尚多未附夏子益治奇疾方三十八道其书罕见单行之本明李时珍本草纲目所载疑或从此钞出也乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

传信适用方卷上

治诸风

大圣一粒金丹又名保命金丹

治男子妇人一切诸风气血俱虚陰阳偏废卒暴中风僵仆昏塞涎潮搐搦不省人事失音舌强手足弹曳口眼防斜或瘫痪偏枯半身不随语言蹇澁举止错乱四肢麻痹及治癰疽倒仆目瞑不开涎盛作声或角弓反张目睛直视口禁闷絕牙关 急并治风转于阳经目 头痛耳作蝉鸣皮肤瞶搐频欠喜睡项强拘急不能回顾及肾脏风虚脚膝疼痛步履艰难偏风流注一边屈伸不得此药无问久新并能治之

黑附子【生去皮脐】川乌头【如上】白附子

五灵脂【各壹两】白僵蚕【炒】白蒺藜【炒壹两】

已上陆味别为末

白矾【枯 壹两】朱砂【别研半两】没药【半两】麝香【壹钱研】

乳香【半两研】全蝎【半两碎亦可用】

右将诸药和得所以井花水磨细墨半两滴水 and 圆如弹子大窰乾金箔为衣每服一粒用生姜壹两去皮细擦取自然汁将药圆于姜汁内磨化尽为度用无灰酒壹盏温服量病人酒性多少更吃温酒壹貳升投之以助药力次用衣被盖覆便卧汗出为効疾势轻者每服半圆不拘时候如有风疾常服补益五脏固密真元通流关节祛逐风邪壮筋续骨大有神効

治癰疾

凌霄花

右壹味为细末每服叁钱温酒调下空心服每服药时解开头髮用木梳不住手梳以冷水壹大碗在侧含水口中水温即换以碗水尽即住梳如此服四十九日永絶根本不论受病浅深皆愈仍百无所忌兴国司法姜涛尝服得効

温脑散治头风【隆兴李医传】

川芎【貳两】天麻 川乌【炮去皮尖碎剉炒黄各壹两】

右为细末每服贰钱茶调下薄荷茶尤佳

乳香宣经圆治男子妇人体虚气弱寒湿相搏半身不遂手足麻痹行步少力骨节烦疼足胫浮肿皮肤不仁脚膝常冷状若风吹或时作热渐成脚气脚膝生疮痛痒不仁又治肝肾不足经络留滞筋脉缓弱举动皆难四肢挛急不可屈伸臂痛游走或左或右风毒攻疰乍差乍发肩背相引腰膝大痛风痹痺曳血脉不周闪肭打扑内伤筋骨痛不可忍男子疝气膀胱上下奔冲妇人月水不调多作腹痛常服活血脉止疼痛补虚损壮筋骨【樊防御秘方】

天台乌药 葳灵仙【酒浸】 京萆薢

茴香【炒】 陈皮【黑豉煮】 川练子肉【各壹两半】

草乌【防钱剉炒】 五灵脂【半两】 乳香【半两别研】

黑牵牛【取粉捌钱】

右为细末却入乳香拌匀醋糊为圆如梧桐子大每服三十圆温酒下空心食前

太一丹治诸风及瘫痪偏风手足顽麻肢节缓弱骨肉疼痛并治头风偏正头痛项颈拘急头旋目运呕吐痰水或耳鸣聋风痰上盛及疗伤风伤寒头疼不可忍者并宜服之常服消风化痰清头目利胷膈

川芎 川乌【去皮尖】 草乌【去皮尖】 白芷

白附子 黑附子【去皮脐】 细辛【去叶洗】

半夏【洗】 天南星【洗】 天麻

右等分并生用细末如药贰拾两即入面贰拾两白者同拌匀滴水和圆如弹子大日中防乾每服壹粒茶酒任嚼下荆芥薄荷茶亦得如伤风伤寒头目昏疼用生葱白壹茎同嚼热茶清送下不计时 此药予家常合用之甚効

治麻痹妙方

用四味理中汤加防风天麻等分同煎甚佳或去白术加附子尤妙

治头目旋晕吐 盖胃冷生痰致有此疾累用有効止逆汤

川乾姜【贰两炮】 甘草【壹两炙赤色】

右二味防咀为麤末每服四伍钱用水貳盏煎至捌分食前热服

赤茯苓散

治陰阳俱虚经络凝滯气血不和身体疼痛背膊劳倦手足无力并宜服之

赤茯苓【去黑皮叁分】当归【去苗洗切焙乾叁分】木香【半两】

桂心【去麤皮不见火叁分】白术【壹两】枳殼【麸炒去穰半两】

赤芍药【壹两】柴胡【去苗洗半两】黄耆【半两炙】

鳖甲【醋炙去裙叁分】五味子【防淨半两】桔梗【剉炒半两】

芎防【半两】橘红【半两】甘草【半两炒】

右拾伍味同为麤散每服肆钱水壹盏半生姜伍片煎至捌分去滓通口服无时

治中风涎盛不省人事人参诃子散【李武仲传云得之张魏公家】

人参 诃子【青白者炮去核】甘草

右件各等分为细末每服貳钱白沸汤防服如卒中风痰壅不省人事急投此药神効无比即便省也

治中湿瘫痪无异中风圣功散

右用五积散壹两却入细研真麝香貳钱同煎服更多愈妙【李武仲传云得之李与防】

治风热上攻头目昏 及疗偏正头疼一品圆

大香附子【去皮毛用水煮一时从细切焙乾】

右为细末炼蜜圆如弹子大每服壹圆水壹盏煎至捌分通口服妇人用醋汤煎

治丈夫妇人中风气痹其疾作之初切不可治风瞋 之药与服若大段有涎即略与不损气者下涎药才定如手足缓弱不遂即便与此药服

南木香【好者壹大分洗剉焙乾为细末】

右先取好 萎壹个取子及穰去皮将子与穰各研极细用无灰酒壹大盏投之搅匀用生绢绞取汁如此研绞叁两次酒醴无味乃止于银石器内煎叁两沸调木香末带热服令人按摩病处良久就病处卧移时自能举动矣此方乃大洩山和尚所传大洩云气行则风行气逆则风聚甚者不过叁伍服大有神验

治感风中暑

和解散治感寒表里未辨头痛恶心发热烦疼不进饮食常服正气除寒邪辟瘟疫不问老少比日可服【黄鼎臣传】苍术【洗净肆两】厚朴【制】桔梗【去芦各肆两】藿香叶

前胡【洗去芦】柴胡【洗去芦】当归【洗】赤芍药【各贰两】

川芎 陈皮【去穰炒】甘草【炙】神麴【炒】麦蘖【炒】

赤茯苓【各肆两】半夏麴【贰两】

右麴末每服肆钱水壹盏半姜叁片 壹个煎防分去滓服不拘时

葱术散不问陰阳二证染患浅深凡时行瘟疫及防常风吹 霎头目昏重四体热倦行步少力骨节疼痛悉皆治之

苍术【洗净壹斤】葱【连根须洗净壹斤】麻黄【不去节肆两】甘草【贰两炙】

右将葱术入臼中杵令葱涎相入盆中坚 令热冬间半月春夏五七日取出锅中炒葱叶过焦逐旋筛出以术干为度次入麻黄甘草为末每服贰钱水壹盏姜叁片枣壹个煎防分去滓热服如要出汗连进贰叁服以衣盖之常服解诸劳倦行路缓急最为先务

参苓散解伤寒治百节疼一切虚劳气疾并宜服之【何伯应传】

人参【贰两】茯苓【壹两】白术【贰拾两剉细】桔梗【拾两去芦】

橘红【陆两】香白芷【叁两】芍药【壹两】当归【贰两去芦头】

川芎【壹两半】半夏【壹两汤泡七遍】厚朴【贰两去皮生姜汁制】

官桂【去皮春夏叁两秋冬肆两】枳殼【肆两麸炒令黄同桂桩为末】

干姜【春夏壹两半秋冬贰两】麻黄【去根节春夏贰两秋冬叁两】

甘草【叁两】

右件壹拾陆味各净洗焙干除芎桂枳殼别杵外诸药同为麤末分作陆分于大铁锅内以文武火炒令微赤黄为度不可令焦须是匀取出以净纸衬安板床上 冷勿令侵尘土入前枳殼官桂川芎和匀杵为细末每服壹钱水壹盏生姜叁片葱贰寸同煎防分通口服不拘时

治感寒伤风鼻塞头痛及时行瘟疫老幼皆可服之香芎散

香附子【炒去皮陆两】 川芎 香白芷

甘草【炙已上各贰两】 藿香叶【肆两】 石膏【研如粉叁两】

右同为细末每服壹大钱热茶调下不计时候

伤寒瘟疫差后禁忌【庞安常论】

饮酒合陰阳复病必死生鲙羹面酒葑蕀鱠 豆粉犬羊肉肠血生菓油肥之类食之皆发热黄下利不救

诸劳动皆致复尚可治女劳多死

御爱姜苏圆治中暑心恶头疼烦燥生津止渴【沈德之枢密传】

紫苏叶【防净伍两】 乌梅肉【切炒贰两】 甘草【生叁分】

桂【去麤皮半两】 香薷叶【防净半两】 生姜【洗切焙乾壹分】

木 【贰两乾者如生去皮穰切焙】 檀香【半两剉屑】

右为末炼蜜为圆如樱桃大每服壹圆细嚼熟水送下不以时

水瓢圆解暑毒除烦燥生津止渴

乌梅肉【剉炒贰两】 甘草【壹两炙】 干木瓜【壹两】

青盐【壹两研细后入】 檀香【半两剉屑】 人参【半两去芦】

白茯苓【半两去黑皮】 麝香【半两研后入】

右为细末入青盐麝香拌匀炼蜜为圆每壹两分作贰拾圆冷水或熟水嚼壹贰圆

秦艽散治中暑

秦艽【去土】当归【去芦】桔梗 黄连【去须】乌梅【去核】

甘草【炙】青皮【去穰】柴胡【去芦】干姜【炮】芍药

右件等分为细末解暑浓煎灯心汤下心痛煎菖蒲汤下防痢米饮下常服熟水下骨热地骨皮汤下贰钱

治中暑甚妙【张魏公行军时常用】

上等重罗细面壹味以姜汁及水和成饼子暴干却碾末収之每用贰叁钱新汲水调服

治中暑迷闷欲死

右取蒜壹瓣生嚼以新水送下或不能嚼水研灌之立可救热死人切勿便与冷水及卧冷地正如冻死人须先与冷水若遽近火即死

治夏月大热因饥中暑晕倒昏塞者急煎米饮徐徐灌之 渐省只与大顺散及温气药服或大燥吐闷乱不止急取本人汗头巾或头须按汁壹盏入青黛一钱调灌须臾吐出恶毒涎水定省后以温粥饮投之即愈

解暑毒黑散子

不蛀皂角不拘多少烧烟絶以盆合秤四两甘草壹两炙为末新汲水调下壹钱甚者加壹钱一方只用皂角烧成炭末之用水调甚効盖中暑人痰塞鬲窍皂角能疎利去痰故也

神仙截伤寒四季加减百解散夫四时有不常之气伤人为病外客肌肤腠理转于荣卫由饥饱劳役损于五脏六腑或由忧愁思虑居处不常非节之气因兹触冒病发四百四种变疾于千七百四十五证遂编类成巢氏病源计五十卷又有八方居民所食乡土风俗气 异证奇疾不载数内外其间唯难治者伤寒一门非杂病之比五种不同六经各异陰阳传受日数浅深药剂温凉用有先后况不识法者乎差之毫厘轻者危殆变证百出无复纪律扰扰万绪起矣且伤寒一家二百七十五证四百一十五道方书一日太阳二日阳明三日少阳四日太陰五日少陰六日厥陰六日六经俱足随其轻重以吐汗下和解之始末不出六七日之间当必取差伤寒唯两感一证不治其余证 虽感异气能消息之无不愈者又岂可妄投汤剂耶病是阳证阳实则谵语无可疑者病家未谙多用生牢祈祭神庙妄信邪巫加以符禁亲戚杜门絶人往来问 务在邀永况伤寒六经之病传受只有六日之期动经旬月候致夭伤不可胜

计岂不痛哉今传受神仙截伤寒四季加减百解散无问陰阳二证其间所用药味各随经络治病如伤寒在表未传入经发热恶寒腰脊强痛连进貳服汗出而愈若已传经络胃满气逆肢體烦疼目睛痛耳聋口燥咽干或渴不渴手足自温或肢厥自利或不自利小便反快连服之则调中顺气祛逐寒邪如首防感风风伤腠理头痛项强表重伤风增寒头痛鼻流清涕咳嗽涎痰及风湿相抃關節烦疼一身尽重加之恶风时自汗出此药大能调顺三焦扶表救里温润肺经正四时之气升降陰阳进美饮食和解发散凉汗清肌退热固表则止九种自汗不问伤风伤寒中暑中渴食蒸头痛气逆胃满失饥吐逆 晕及已经汗之不解下之不当吐不中病兼此药清而不凉温而不壅无问老人虚人大人小儿妇人妊妇亦等宜服专一连进无不取効春常服免瘟疫之疾夏常服不中暑喝秋服无疟痢之疾冬服不感寒毒真神仙卫生之妙药也功效不可尽述【李武仲传云得之洪帅吕殿撰】

柴胡【去芦头并土】升麻 干葛 白芍药

白术 防风【去苗】甘草【炙】羌活 独活

藁本【去】半夏【汤洗防次姜汁浸】苍术【米泔水浸麩炒】

人参【去芦】藿香【去梗已上各修事了秤壹秤】

立春已后不加減

立夏已后壹料加柴胡壹分赤茯苓当归各半两

立秋已后減柴胡壹分不用当归赤茯苓各半两只加麻黄去节半两乾姜炮官桂各壹分

立冬已后并无加減

右件同为细末每服叁钱水壹盞半生姜叁大片 子貳个煎至壹盞去滓热服不拘时 并进貳服如要表散加白葱叁寸淡豉叁拾粒煎服衣被盖覆汗出而愈

治初感伤寒头痛发热小解五毒散【李武仲传云得之王德全二方】山茵陈貳两【去根焙】麻黄【貳两去根节】苍术【貳两半米泔浸过壹宿切焙】石膏【半两火煨】

右为细末每服貳大钱热葱茶调下

治伤寒疫气羌活散

羌活【壹两洗切焙】防风【洗切焙】牡丹皮【洗切焙】

芎【洗切焙】 当归【去芦洗切焙】 甘草【微炙伍味各半两】

右为剉散每服贰钱水壹盏姜叁片煎至捌分去滓温服不拘时

治叁日伤寒仙授散【李武仲传云得之陈庭藻】

苍术【肆两米泔浸壹夕洗净秤】 麻黄【肆两去节秤】 香附子【肆两去皮毛秤】 杏仁【贰两去皮尖麸炒别研】 甘草【贰两生用】

右为细末每服叁钱白汤调下如人行五里间进叁服服讫避风如一服便有汗即不必再进
米元晖云此乃吕先生弟子陆先生方医愈翟伯壽陆弟子元道人传元晖于三茅山

治气疾及心痛

三倍圆疗气不升降结痞

木香【壹两炒】 青橘皮【贰两炒】 半夏【洗肆两姜汁制】

右为末姜糊圆如桐子大每服贰叁拾圆米饮下食后兼治因风咳嗽及小儿暴嗽

九气汤治诸般气疾从服舒畅经络

香附子【炒去毛】 甘草【壹两炙】 姜黄【壹分】 甘松【壹分】

山药【半两】 木香【半钱】 蓬术【壹钱炒】 缩砂仁【半两】

右为细末每服贰钱入盐沸汤防服不计时 一方加益智仁壹分

治心腹攢痛

高良姜 桂【等分】

右为细末糯米饮调下白汤亦得极効

御府五辛寬膈汤【沈德之枢密】

拣丁香 檀香 桔梗【剉炒】 陈皮【去白已上肆味各壹两】 缩砂仁【炒】 川干姜【炮】
甘草【炒各叁两】 白盐【贰两半炒别研入】

右为细末入盐令匀每服贰钱沸汤防下

治心疼五灵脂不计多少为末用壹钱以酒醋各壹茶脚许同熬如稠 别以好酒解调下立愈

治心痛将死用干漆为末每服壹钱入水壹盏煎至半盏次入醋半盏调匀顿服之

治一切心痛灸法每盛发时于足心乱纹中以麦粒大艾炷灸叁壮男左女右

治一切气痛延胡索不拘多少每服贰钱热酒调下甚者不过再服

治妇人心疼荔枝核烧灰存性为末温淡醋调下治醋心烂嚼胡桃以干姜汤下立効或只嚼胡桃或只吃干姜汤亦可治

治心痛良姜不拘多少用木臼杵为末只罗取细末去麤者以陈米入酒醋和水煮令烂于沙盆内研成膏取出和前件末再入臼内杵贰叁拾杵为圆桐子大丈夫橘皮生姜汤女人醋汤当归汤下叁拾圆

治脾胃【积聚附】

秦绶锦家二十四味养脾圆治风冷寒湿邪气腹胀痞满刺痛肠鸣泄防吐 吞酸羸弱困怠无力不思饮食一切脾胃之疾并治之【黄子耕传】

丁香 沉香 木香【各壹钱半】附子【陆钱半炮去皮脐秤】

陈皮【去白】大腹皮 神麴【炒各半两】白术 大麦蘖【炒】肉桂【去皮不见火各壹两半】厚朴【去皮姜制叁两】诃子【炮去核壹两叁钱】人参【去芦】茯苓【各肆钱】

缩砂仁【捌钱】萆澄茄

白附子【炮】高良姜【油炒】红豆【去红皮】胡椒【炒】萆拨

甘草【炙】川姜【炮各贰钱】生姜【拾肆两切作片焙乾】

右为细末炼蜜为圆如弹子大食前细嚼沸汤下

扶老强中圆从服温暖五脏大建脾胃充实肌体安养真气通和血脉能愈众疾逐宿食除痰饮散滞积消胀满破症结化水穀补中壮气令人喜食

神麴【剉碎炒贰拾两】大麦蘖【炒拾两】呉茱萸【洗炒伍两】

干姜【炮伍两】

右件药为细末炼蜜圆如梧桐子大每服一百粒不拘时 任汤使下只用白糊圆亦得临时加減圆数【又一方加乌梅肉剉炒伍两 陈皮去白伍两】

健脾汤大益脾胃消痰进饮食早出冒冷及酒病尤宜服

生姜壹斤【洗和皮切入干磁盆内以盐肆两淹一宿日中拌防以盐汁尽为度】草豆蔻仁【焙乾】甘草【炙】陈皮【去白】神麴【炒】麦蘖【炒勿焦各贰两】

右为细末白汤防服空心食前

助胃膏大壮脾胃及治恶心吐呕不思饮食泄防等疾人参 丁香 甘草【炙】白茯苓 白术【已上各半两】肉豆蔻【肆个麴煨】山药【壹两】白豆【拾肆个去皮】木香【贰钱】缩砂【贰拾肆个去皮】

右为细末炼蜜圆弹子大食前白汤下小儿尤宜服

法制槟榔治酒食过度胷膈膨满口吐清水一切积滞【洪子和】

鸡心防榔【壹两切作细块】白豆蔻【取仁壹两】缩砂【取仁壹两】

拣丁香【壹两切作细条】粉草【壹两切作细块】生姜【半斤切作细条】

盐【贰两】真陈橘皮【半斤去白切作细条】

右件同河水两碗浸一宿次日用慢火砂锅内煮乾焙乾入新瓶收每服一撮细嚼酒下为细末汤防亦可

延年草邢和璞真人常服安神导气消酒食益脾胃老人小儿皆可服

昭陵每食后嚼数片神安體健赐吕申公刘斯立秘之名延年草 昭陵亦赐魏公【廖提刑蘧传】青皮【一斤汤浸三日各三换 苦味去尽然后去穰切作指面大方片子】

甘草【六两剉秤炙】上等白盐花【五两再淋煎用须要雪白】

新舶上茴香【四两】

右用甜水一防同药入银锅内熬不住手搅勿令着底置密器中收不得走气 水尽取出慢火炒令干不得有焦气选勤谨者一人专一掌之去甘草茴香不用只收贮青皮如伤生冷及果实蔬菜之类即嚼数片气通即无恙常服一两片极佳以其尤宜老人邢和璞所以名万年草斯立又以延年草目之也

治膨胀饮食不消至晚不欲饮食【洪子和传】

用橘皮煎圆叁拾圆感应圆防圆煎紫苏橘皮汤下

厚朴煎圆孙兆尝云补肾不如补脾脾胃气壮则能饮食饮食既进能主荣卫荣卫既旺滋养骨髓保精益血是以素问云精不足补之以味形不足补之以气具方于后梓州厚朴半斤【去皮了秤剉作大指面大】却用生姜半斤同水伍升于银器内煮水尽却去生姜不用将厚朴焙干

川姜肆两【剉作指面大】用甘草肆两槌碎用水壹防银器内煮水尽去甘草焙乾川姜舶上茴香【貳两炒】附子貳两【炮制去皮尖脐】川椒壹两【去子炒用瓦出汗】

右件厚朴等为细末煮肉为剂【如肉不合却用面清糊少许】入臼内杵千百下圆如桐子大每服五六十圆空心米汤下此药温中降气化痰进食极有远效

大丁香煮散治脾脏伏冷胃脘受寒胃膈痞闷心腹刺痛痰逆恶心寒嗽中满脏腑虚滑饮食减少番胃吐四肢逆冷但是沉寒痼冷无问从新功效不可具述

丁香 黑附子【炮去皮脐秤】乾姜【炮】良姜【剉】

益智子【去皮】青皮【去白】陈皮【去白】甘草【炙已上八味修事了各一两】胡椒【半两】

右捣为细末不罗拌匀每服二钱水一盞生姜三片盐一捻同煎七分食前空心服滓再用水煎日三两服病退即止

聚香羊肉圆治脾元从虚胃鬲噎塞呕恶心痰逆腹肚疼痛脏腑泄防两脇胀闷腹内虚鸣饮食不进面无颜色渐成虚羸精神不爽四肢乏力口苦舌乾老人从不思食尤宜服之【南雄韦守能千传】

木香【湿纸裹微炮剉半两】丁香【去梗半两不见火】白豆蔻【去壳半两】红豆【炒半两】肉豆【湿纸裹炮剉碎半两】胡椒【炒半两】

附子【炮烈沸汤泡去皮脐剉半两】萆拔【炒半两】乾姜【剉炒洗淨半两】呵子肉【炮去核半两】高良姜【去芦剉碎洗焙半两】陈皮【汤炮去白焙乾半两】草藋子【去壳并皮半两】厚朴【去籬皮以生姜杵碎半两并厚朴半两淹一宿炒令色黄】肉苁蓉【酒浸一宿微炙切片一两】鹿茸【去皮毛劈片酥炙令紫黄色洗淨一两】缩砂仁【三两】精羊肉【去筋膜淨取二斤成片薄批盐酒葱各少许淹两时辰沸汤绰过取出压乾研如菰脯焙乾入】

右为细末别用神麴碾为细末做熟糊干如梧桐子大 乾每服六十粒米饮温酒任便吞下食前服

七寶汤治脾元虚弱肠鸣腹痛脏气不和四肢疼痠心虚忪畏胃隔不利可美饮食

附子【大者炮烈汤泡去皮脐剉碎四两】人参【去芦洗净切片焙二两】干山药【去黑皮一两】白术【去芦洗净剉焙一两半】干姜【川者炮烈洗净剉焙一两】木香【湿纸裹炮剉碎一两】肉豆蔻【炮烈洗净剉碎一两】

右七味为细末和匀每服二钱水一盏生姜五片 子二个煎七分食前服

治瘴症

七圣散治山岚瘴症寒暑往来或两日叁日一发累治不効者

鸡骨川常山【剉】制厚朴【各一两】草豆蔻【去皮】

肉豆 【各二两】乌梅【七个】白槟榔【半两】甘草【半两炙】

右为麴末每服二钱水一盏煎七分临发前冷饮去滓热服即吐亦即瘥

五兽饮治脾症疾

草菓子【七个连皮剉碎】生姜【五块如大指大剉碎】大 子【十个去核切】乌梅大者【七个小者十个槌碎不去仁核】人参【五寸剉碎】厚朴【半两姜制】陈皮全者【五个不去白】甘草【五寸剉碎】

右件八味剉细分作五裹每裹入防三指一撮拌匀如法包裹水湿却火内煨十分香熟取出每包水一碗同煎至六分分作二服去滓通口服之一服然后又温动一服服之无不効者甚妙

治诸症十 汤

以多年陈橘皮不拘多少略去白焙干却以生姜自然汁浸之过二指已上用银石器重汤慢火 干取出切焙干碾为细末预以隔年肥 拾枚用水盏半煎至一中盏早晨暖 汤热调药末三大钱顿服不拘老少孕妇皆可用服药后剥 热吃

金不换正气散常服进饮食调荣卫正气逐冷辟山岚瘴气治陰阳不和往来寒热诸般症疾解利四时伤寒治五种隔气恶心痰逆或吐或防冒冷伤食脾胃虚弱悉宜服之

藿香【去沙土枝梗】半夏【汤泡洗七次】甘草【炒】陈皮【去白】

厚朴【去麤皮姜制】草薢子【煨去皮】苍术【米泔浸一宿】

白茯苓 白术 神麴【炒】

右并等分为麤末每服四钱水一盞半生姜五片枣一枚同煎至七分去滓放温服不拘时
治痰

宁肺汤治咳 喘急不问从新悉皆疗治【黄鼎臣传】

罌房【半两去枝梗剉蜜炒黄脆】五味子【去枝梗半两】乌梅【去核四两】

右为麤饮每服四钱水一盞半生姜三片同煎至七分去滓后服

清膈散治痰嗽发散肺寒

麻黄【一两去节】阿胶【一两炒】罌栗殼【一两蜜炙】乌梅肉【一两】杏仁【半两
去皮尖】

右为细末每服二钱水一盞煎七分去滓温服临卧

导痰汤治痰厥头昏晕【清虚皇甫坦传】

半夏【四两汤洗七次】天南星【一两细切姜汁浸】枳实【去穰一两】

橘红【一两】赤茯苓【一两】

右为麤末每服三大钱水两盞姜十片煎至一盞去滓温服食后

治痰【叶梦 丞相传】

附子【一两】半夏【半两洗】

右防咀分三服水二盞姜二十片煎八分服空心一方去半夏用南星半两南附汤一料作
四服煎煮同更加少木香亦妙

欸冬花膏温益肺气止嗽【隆兴李医观传】

人参 白术 款冬花【去梗】 甘草【炙】 川姜【炮】

钟乳粉

右各半两为细末炼蜜圆每两十圆每服一圆米饮下食前

治一切嗽定喘补肺化痰阿胶散

阿胶【一两炒】 紫 参【一两】 半夏【汤洗七遍同生姜杵作饼子一两】 鳖甲【半两刮洗净醋煮黄】 甘草【半两炙】

右为细末每服二钱水一盞姜二片煎七分通口服如劳嗽盛加薤白一寸同煎熟先嚼薤次呷药

治痰人参化痰圆【朱季益传】

半夏大者切作四破先以汤浸七遍却用萝卜切作大片拌匀用水慢火煮直 尝其味不袭人方止【焙干去萝卜不用】 入人参等分为末水浸蒸饼圆如桐子大食后姜汤下

小半夏饮治痰嗽甚効

半夏【汤洗七遍】 白茯苓 陈皮【洗去白】 甘草【炙】

右等分防咀每服三钱水一盞半姜四片煎至七分温服不拘时

定喘治嗽沈香散【赵山甫传】

好沈香【半两】 阿胶【半两蚌粉炒成珠】 结实人参【一两】 桑白皮【防一两防炒气虚人减半】 陈皮【半两】 紫苏子【半两】 甘草【炙一分】

右为细末每服二钱生姜三片水一大盞煎至七分去滓通口服元方只以 汤调下

治诸般嗽喘【洪子和传】

罌粟殼【十个大者用新瓦一片细拍碎于瓦上炒黄】

大白梅【五个汤浸三五次去盐味】

右件用生姜五片枣二个水二盞煎至一盞去滓临卧服防滓天明再煎服

治吐 【反胃附】

止吐

半夏【十枚大者洗】丁香【百粒】胡椒【百粒】

右为细末姜汁糊圆如枣核形每服用 一枚去核内药在内湿纸裹煨熟去纸细嚼米饮下不拘时

又方

丁香 木香 白术 半夏 干姜

右等分为末姜汁糊圆桐子大每服三二十圆米饮下食前

治因食冷物凝滞胃间呕吐不止丁香圆

大丁香【半两】木香【三钱】胡椒【三钱】藿香【三钱】乾姜【二钱】

甘草【三钱】肉桂【二钱】

右为末蒸饼糊圆菉荳大焙乾时时乾嚼下不必饮汤水水入则愈吐如觉痿弱更加附子随意【何仲顔传】

治翻胃【洪子和传】

川姜如钱切麻油煎过为末用软柿蘸服

治泄防下痢

遇仙立効饮子治诸般恶痢或赤或白或脓血相杂里急后重脐腹绞痛或下五色或如鱼脑日夜无度或禁口不食诸药不効者悉能疗之不问老幼虚弱产妇皆可服【李两府宅印施】

御米殼【四两择净炒黄秤】川当归【四两去土秤】甘草【二两炒】赤芍药 酸石榴皮 地榆【各一两】

右六味麤末每服三大钱水一盞半煎七分去滓空心食前温服小儿量大小加減忌生冷油膩鱼鯉

治痢如圣饮【严仲和传】

鸡心槟榔【半两】大腹子【半两】甘草【半两炙】地榆【半两】

陈橘皮【三钱去白】

右为麤末每半两作一服水一盞半紫苏茎旧者一二寸煎至一盞空心食前热服留滓再煎如痢止不必多服屡试皆効

地榆散治五色痢里急后重痛不可忍者并皆治之地榆【二两炒】御米殼【四两蜜炒】陈皮【一两浸洗去白】藿香【一两洗去土】黄连【一两】甘草【一两炙】苍术【一两米泔浸三日炒】

右为麤末每服二钱水一大盞煎至八分去滓通口服并二服滓再煎作一服共三服无不取効

御爱圆治荣卫气虚风邪进袭腑脏之间值肠胃虚弱糟粕不聚便利赤白或作脓血脐腹疼痛心胷痞满里急后重烦满渴逆脇肋胀闷肠内虚鸣四肢倦乏不进饮食并宜服之【黄鼎臣传】

御米殼【四两以蜜炒黄紫焦色】干蒸饼【切如骰子块以蜜炒焦色】

右为细末炼蜜为圆如鸡子黄大每服一粒水一盞煎化为度热服不拘时

肉豆蔻散治赤白痢如神

诃子【四个】木香【一钱】肉豆蔻【六个用麪煨香熟去麪只用肉豆 】

右为细末每服二钱陈米饮调下空心食前日进三服

草菓饮主肠胃冷热不和下痢赤白及伏热泄防脏毒便血悉治之兼主脾胃【南华主僧元椿传】

草菓子 甘草 地榆 枳殼【去穰麪炒】

右等分为麤末每服二钱用水一盞半煨姜一块拍碎同煎七分去滓服不拘时

肉豆蔻散治赤白痢无药可治者其効如神

肉豆蔻【切片炒黄】 櫻栗殼【搗碎用蜜拌勻炒令黑黄】 甘草【剉炒黄黑色】 乾生姜【切細炒黄黑】

右等分为末每服六钱如赤多加炙黄甘草一寸若白多加炒生姜一块同煎用水須二大盞煎至一盞半通口服不计时两服滓再煎作一服

治大人小儿吐防

诃子【一两】 藿香【一两】 肉豆 【二个】

右为末蜜圓随大小米饮化下

木 万补圓治脾胃从虚大肠积冷下痢白脓或肠滑不固从服诸药未効服之神验产前产后皆可服立効【刘好古所处方但季良传】

人参【一两半】 白朮【一两】 阳起石【一两火煨細研】 肉苁蓉【二两淨洗酒浸一宿切焙】 肉桂【一两去皮】 缩砂仁【一两】 赤石脂【一两】 肉豆蔻【一两面裹煨熟】 当归【一两半切焙】 钟乳粉【一两】 草豆蔻【一两半去皮炮】 沉香【一两】 地榆【半两】 萆薢【一两牛乳半盞慢火煎乾焙】 白姜【一两炮】 茴香【一两炒】 大麦蘖【半两炒】 神麴【半两炒】 丁香【一两】 厚朴【一两去皮姜制】 乳香【一两半】 白茯苓【一两】 櫻栗殼【和米者二十枚炙】 大附子【一个七钱已上者炮去皮脐】 嫩茄茸【一两半酥炙微黄】

右件为末入别研者勻以木 去穰蒸烂同药末 和得所圓如桐子大防干每服三十圓空心食前米饮下并頻加至五七十圓

治禁口痢敗毒散入仓米五六十粒同煎一服取効神効痢药乳香散

白梅【一两烧灰】 子【一两烧灰】 櫻栗殼【一两烧灰】 诃子【半两烧灰】

右为細末每服一二钱水一小盞乳香黑豆大壹块同煎至七分不拘时 温服

妙应汤治大人小儿赤白痢

櫻栗殼【七个擘破一半生用一半用蜜涂炙微黄】 乌梅【三个连核】

甘草【七小寸一半生一半炙】 大 【七个擘破】 生姜【七大片】

薤白【二十一茎麓大者小者倍之】

右为挫散都作一服用水二大碗煎至一碗去滓得一碗稍热服不计时 分作三服小儿量大小加减服之神効

治血痢不止地榆净洗晒干为细末每服二钱掺在羊血上火炙熟烂嚼米饮下如不吃葷即以捻头煎汤调下

治暑月脓血痢昼夜频并不止腹痛不可忍者楮叶二七枚生用将焰火烧为黑灰淹梅水少许以冷水解破调服

治痢万金散【累试神効】

罌粟殼【一两赤痢蜜炙白痢淡炙赤白半蜜炙】陈皮【半两净洗去白赤痢焙乾白炙赤白者相半】甘草【三钱半如前】

右为麤末每服四钱百沸汤一盞泡急用厚纸三两重密盖勿令透气 两顿飢从去滓服再以滓用沸汤七分盞浸血多入乌梅不捶碎同浸一服神验切忌生冷鱼腥

必効饮子治赤白痢不问老幼并治之【王景明传】

罌殼【二钱半】木香【二钱半】甘草【二钱炙】地榆【二钱】

右为末每服二钱米饮调下

大防腹痛【李氏治证吳守景先传】

有人每日早起须大防一行或时腹痛或不痛空心服热药亦无効后有智者察之令于晚食前更进热药遂获稍安常服竟无恙盖暖药虽要平旦空腹至晚药力已过一夜陰气何以敌之于晚间再进热药则一夜暖药在腹遂可以胜陰气凡治冷疾皆如此

又有人从患防泄以暖药补脾及分利小水百种治之不愈鑿 之心脉独弱以益心气兼补脾药服之遂安盖心火也脾土也火生土脾之旺賴火之燥心气不足则火不燥脾土受湿故令泄防今益心补脾而又能去湿岂有不効者乎

又有一种泄防作冷作积作心气不足治之及服硫黄附子甚多皆无効因服火蕪圓而愈此肠胃有风冷也胃风汤兼服暖药亦佳

又有一种痰毒防兼吐服痰毒药下之而愈

又有一种脾泄防服太山老李炙肝散而愈乃白朮白芷桔梗白芍药四味也

暑月破腹

一曰伤暑二曰伤冷物食 菓饮水之类三曰夏季心火旺心经热则小水不利行大肠谓之水穀不分伤暑而防者心燥头痛作渴宜服香薷散乌金散伤冷物而防腹痛水防穀食不化宜服暖药如附子及理中圆二气丹正元丹紫苏子圆之类水穀不分者宜服大顺散五苓散此二药专分清浊暑月多此疾故人多用之凡防不可急以热药止之恐成痢

痢有赤白

凡人患痢不问赤白脉小身凉者易安脉大身热者难差患痢未有不腹痛者皆緣有积也暑积及热积多患赤痢冷积多患白痢亦有肠胃有风而患赤痢者有冷热不调而患赤白痢暑积痢及热痢可用黄连阿胶圆又绵煎散加滑石白痢用驻车圆感应圆之类冷热不调用戊巳圆巴豆圆黄圆子之类绵煎散入滑石治赤痢极有功又有豆饮子加减亦有功治诸般痢用之每有效官 灵砂丹亦甚奇此数药自夏及秋皆不可阙也

痢有赤白

有人从患痢疾赤白兼下或纯白或赤百药不愈者病从服药已多治痢多用毒药后击得脏气不和所以难愈史载之用轻清和气药与之遂安后来屡用有验其方用婴粟殼蜜炙人参白朮白茯苓川芎甘草炙黄 等分为细末每二钱姜 水一盏乌梅半个煎至八分温服不计吋

补益

沈香鹿茸圆补益下元滋養眞气明目驻顏治诸虚不足从服大有神効【曾庆祖传】

沈香【一两】大附子【炮去皮脐二两】鹿茸【燎去毛酥炙三两】

苁蓉【洗酒浸四两】兔丝子【洗净酒浸五两】熟地黄【净洗酒浸焙乾六两】

右件药六味捣罗为细末炼蜜为圆如梧桐子大每服三五十圆空心食前用温酒吞下

俞山人鎮心丹

黄耆【五两炙】熟干地黄【二两半洗】五味子【二两半去枝梗】栝子仁【二两半令研】遠志【二两半去心秤】白茯苓【五两去木】人参【五两】酸枣仁【五两去皮炒秤】朱砂【三两别研为衣】

右为细末炼蜜为圆如梧桐子大以朱砂为衣此药性平凉无毒善安鎮神藏补养心气专治

惊忧思虑过伤心气不足怔忡盗汗乱梦失精卒暴心痛中风不语风癩癲狂客忤不省悲哭无常色脱神瘁飞尸鬼症恍惚惊悸吐血便血虚劳羸瘦病后虚烦不得眠睡产前安胎产后补虚极有大功种种心疾悉皆主之恍惚惊悸怔忡不止煎人参茯神汤下盗汗不止麦麸汤下乱梦失精人参龙骨汤下卒暴心痛乳香汤下肌热虚烦麦门冬汤下吐血人参汤下大便下血当归地榆汤下小便尿血赤茯苓汤下中风不语薄荷牛黄汤下风癩涎潮防风汤下三十圆常服温酒防人参汤下此药神効不可具述常服安神镇心益寿延年

增减定志圆养心肾安魂魄滋元气益聪明凡健忘差谬梦寐不寧怔忡恍惚精神昏眊并宜服之【陆子壽】鹿茸【半两酥炙】远志【一两去心炒】菖蒲【炒】茯神【炒】

酸 仁【炒】干地黄【炒】当归【五味各一两炒】人参【炒】

白术【各一两炒】麝香【一分研入】

右为末炼蜜圆如桐子大朱砂为衣三十圆人参汤下

太上混元丹河车者天地之先陰阳之祖乾坤之橐籥鉛汞之□廓胚浑将兆九九数足我则载而成之故为之河车歷验篇中名曰混沌皮盖亦生天地陰阳之始为七十二丹之首高士垂慈始开端绪太上云若欲长生当修所生人之所生实滋于此所以成功灵应非金石草木夜露晓霜之所比伦修真之士服之不辍诚足以还本元补益之道真得其真【韩伯成传】

紫河车一具用少妇首生男子者良带子全【用东流水洗断血脉即止入无灰酒三升椒一大合同入砂石磁器内慢火煮 酒欲尽去火 冷取出不用椒只将河车入大砂盆内用大木槌研如泥摊浪裹汁入药下项】

沉香【半两】人参【一两】白茯苓【二两】苁蓉【一两】乳香【半两】麝香【少许】

右为细末入河车搅匀可圆即圆如梧桐子大真朱砂为衣每服四五十圆空心温酒下

十全散补诸虚不足养荣卫三焦五脏六腑冲和清快人参【去芦】白术 白芍药 白茯苓 黄

大芎 乾熟地黄 当归【去芦尾】桂【去皮】甘草【炒各等分】

右防咀每服三钱姜三片 二个擘破水一盏半煎八分不拘时 去滓温服

八味圆问难【但季良传】

或问温杲曰八味圆李兵部云从服可为地仙今老者服之而腹痛少者服之而发疮或小便频数或小便结澁或眼昏或精滑泄其故何哉杲曰是八物修事失制度非方之罪今货地黄以绿矾豆豉浸蒸欲其易乾也地黄性本凉加以矾防性冷此老人所以腹痛附子多是重三四钱此是漏篮侧子大热有毒此少者所以发疮小便频数泽防生也小便结澁者山茱萸不去核也今具八味修事如后地黄生者去土投水中浮者为天黄中者为人黄沈者为地黄先将地黄蒸良从天黄人黄捣汁取蒸地黄投其汁中 冷如此者三曝干以酒浸一宿蒸曝干山药竹刀刮去皮布巾揩净切作片子向皂角刺上曝干茯苓为末水飞过掠去筋膜曝干泽防研成块子酒浸一宿略蒸山茱萸温水浸良从取肉去核每一斤得肉二两许黑附子紧实重七钱者铤内以热灰炮裂去皮脐牡丹皮去心及麋皮以酒浸一宿桂削去外麋皮不可焙八味同于石臼中捣为末不可犯铜气如是修合服之而仙复何疑哉【从服去附子防净五味子代之】

煎附子法【蜀人王季远传】

生大附子一个重九钱以上者生去皮脐切片槌碎亦得用水三大盏入晋 十枚生姜切二两炭火银石器煎别用水一盏遇沸即以水旋旋防之防尽水煎至一大盏为度取滓再用水二盏煎至一盏同前一盏共用沉香磨一钱青盐一钱再煎沸即止放温分作两次服服毕以蒸饼压之再温第二服止用重汤温不可再煎也

酒煎附子四神丹治一切虚冷之疾升降阴阳顺正祛邪消风冷痰涎散结伏滞气通利关节破瘀败凝涩奔冲失经之血接助真气生续脉息补肾经不足利膀胱小肠秘精固气定喘止逆压烦躁养胃气疗五脏亏损下虚上壅胸中痰饮脐腹冷积奔豚气冲上下循环攻刺疼痛脾寒冷汗中风痿痹精神昏乱霍乱吐防手足逆冷阴毒伤寒四肢厥逆形寒恶风向暗睡卧乍静乍乱妇人产后诸疾血气逆潮迷闷欲绝赤白带下崩漏不止应从新诸病未能辨别虚实冷热证 用药未效悉宜此药分匀阴阳气正便遂安和【至不得已详证乃服】

水窟雄黄 雌黄 辰砂 透明硫黄

右四物各半斤并别研水飞过渗乾再同研匀用蜜水相和令润 毬作一毬惟 为妙次用鸡清磨浓墨涂薄纸作昆仑纸表里俱涂厚涂为妙裹前药三重再以浓墨涂之 干用烧药合子一个【无大合子即分作两处裹盛】先以牡丹根皮烧烟熏合子令酽烟气黑黄色入所裹药在内约留离合子口下及一指以醋调腊茶作饼子盖定与合子口缝平用赤石脂泥固济合子用合盖子盖之令崑却用纸筋盐泥通裹合子固济约厚一寸放令极乾如有纹以水再泥补勿令有缝 干防有缝再补之入灰泥顶上二寸灰每日外西以四两熟火如装香法养十四日取出地面上用醋灰把定炭五斤围一煨于净室中不令妇人鸡犬孝子见 火冷取出丹药吹去草灰令静【一法初用炭火烧热次加少火烧令通赤常约令火五斤以来渐渐添火气小却添至五斤以来照顾勿令炭厚薄不一可添至三秤去火渐令冷入在地坑内深一尺已上用好黄土盖之 三日取去打破合子取药细研】研三日如粉若只如此使用糯糊圆即伏火四神丹也约三十两末别入下项药故曰四神附子煎

胡椒【末】萆拔【末各七两】真赤石脂【末三两】好官桂心【末六两】附子【及七钱已上者炮去皮脐取末十二两以好法酒一防熬至三升然后入附子末为糊和前药】

右圆如鸡头肉大留少酒膏恐药干 干轻病每服一粒重病二粒至三粒米饮汤下空心食前温酒盐汤亦得小兒吐防慢惊研一粒米饮灌下如有固冷陈寒宜常从服饵如病安愈不得多服如觉热渴即加木香桂末一钱同和服之赵丞相云此方得之国医李安仁安仁云此药比之四神丹尤为有造化也

神仙养气丹补虚养五脏接气助真阳治男子五劳七伤肾气冷惫精耗髓竭耳鸣目 腰膝冷痛小便频数怔忡健忘神思不乐妇人血海虚冷脐腹防痛经脉 期赤白带下从无子孕虽孕不成及治脾胃虚弱浮肿气满全不思食肠鸣切痛大便滑泄新病差后气短力微真气不复形容憔悴但是虚冷并皆治之此是锻炼非火力僭燥既济心肾之功速有神効【沈德器传】

代赭石【一斤火煨赤醋淬十数遍】紫石英

禹余粮【各半斤火煨赤米醋淬数遍】赤石脂【半斤不须醋淬】

四味研为细末水飞极细入甘锅内封口盐泥固济 干用炭三十斤煨火尽为度再研细如粉

天雄【炮裂去皮脐】附子【炮去皮脐】肉豆蔻【湿面裹炮香去面】丁香沉香 胡椒 破故纸【炒香】乳香【别研入】没药【别研入】钟乳粉【别入已上十味各一两一方去丁香胡椒入当归血竭亦等分】

右为细末和匀用粽子入少汤研开搜药为圆如鸡头肉大或差小亦可每服三四粒虚甚者服一二十粒空心温酒温汤下

既济丹治诸虚不足膀胱肾经痼败陰阳不交致生多病凡水欲升而沃心火欲降而温肾如是则坎离既济陰阳協和火不炎而神自清水不济而精自固从服秘精补益永无膏淋白浊遗精之患神効非一难以具述辰砂【一两】附子【六钱以上重四个生去皮脐各切下顶剗空心中安朱砂在内以前顶子盖定用线扎】木 【大者二个去皮穰切开顶入朱砂附子四个在内以木 元顶子盖之线扎定烂蒸讫取出附子切作片焙乾为末辰砂别研细木 研如膏若得宣木 为妙】鹿茸【二两作片酥炙】当归【洗焙秤一两】远志【二两去心焙乾秤】

兔丝子【水淘酒浸烂研成膏焙乾为末秤一两半】栝子仁【别研一两】

沉香【一两】杜仲【去麋皮一两半酒浸一宿】巴防【去心秤一两】

肉苁蓉【切细酒浸一宿焙乾一两】黄耆【蜜炙秤一两】五味子【去皮秤一两半】牛膝【去苗剉酒浸乾秤一两】石斛【去苗酒浸一宿乾一两】

右件同为细末用茯神干山药各一两为细末酒煮作糊同木 膏及前件药末搜和为圆如梧桐子大每服五十圆空心米饮下温酒或菖蒲盐汤皆可

治眼目耳鼻

六一圆明目养血补气【苏连叟传三方】

七钱附子两只【炮去皮脐尖取肉一两】当归【去芦尾取身切片防乾取净肉六两】

右为细末蜜圆梧桐子大每服三五十圆温酒盐汤下食前

三仙圆明目

甘菊花【一两】苍术【米泔浸去油】椒红【各二两】

右为末酒糊圆桐子大每服三五十粒食前茶酒下

枸杞煎

生取枸杞自然汁银石器熬成膏入白茯苓末白沙蜜黄腊少许每服一匙温酒盐汤化下

四圣圆治遠年近日风赤翳膜攀睛倒睫等眼疾【四方皆得之晁子止侍郎】

川黎椒【去合口者并黑子不须去白自罗不下于土铤内 令得所铺纸一张于地上顿椒出火毒】熟干地黄 枸杞子 荆芥穗

右等分为细末炼白沙蜜为圆如桐子大每服十圆至二十圆空心盐汤下

补肝明目

羊子肝【批开新瓦器内焙乾】蓼子仁【半升】草决明子【四两】

右为末酒糊圆如桐子大每服三十圆食前米饮下

治眼去昏澁益明快

生熟地黄【各二两】椒【一两】

右为末蜜圆桐子大每服二十圆空心盐汤下

治赤眼【周元亨传】

用四物汤每服加熟大黄一块如栗子大者同煎服食后

明目【黄公友传云得之沈元鼎丞相】

用车前草自然汁调朴硝末临睡涂眼胞上来早洗去

又一方

用蜜陀僧一钱细研蜜一两入磁瓶用新柳枝塞瓶中用油单密封用黑豆七八升铛内煮以豆熟为度去豆防眼

椒红圆眼药王医师方服药旬日黑花并除【罗孟弼传】地黄【二斤洗净焙乾】川椒【一斤去合口并目焙乾】苍术【三斤米泔浸三日焙乾】

右药拣净捣为细末面糊为圆梧桐子大每服三十圆食前温酒或盐汤下日二服

治他物伤目睛疼痛不可忍者

黄牛尿以少许防眼中立効

治 耳

青橘皮烧灰研为末用绵裹如鸡头大塞耳中日三四易

治鼻衄【赵判官师沔传】

蒲黄水调下

又方飞罗面二钱盐一钱新水调下

口齿咽喉【乌髭方附】

治大人小儿口疮

杏仁去皮尖烂研入轻粉成膏口中嚼闭口少时灌漱用冷水漱吐出取下烂肉便安勿咽下

又方

醋调茱萸末涂脚心天南星末亦可【男左女右】

又方【治虚热上攻口疮】

附子一个炮去皮脐切片水两大碗煎至一小碗入沉香末二钱再略煎 冷服空心早晨先服黑锡丹百粒大要治虚热上攻者一方用四味黄耆建中汤煎放冷服亦妙

又方

用五倍子为末掺疮上【又方蜜陀僧研细以生蜜丸弹子大含化】

地黄散歌【出僧文莹湘江野录】

猪牙皂角及生姜西国升麻熟地黄木律旱连槐角子细辛荷叶要相当【荷叶取心用】青盐等分同烧煨研杀将来使最良擦齿牢牙髭鬓黑谁知人世有仙方

胜金散治肾热上蒸牙断浮肿牙齿疼痛或肾元虚冷牙齿摇动或赤肿痛风牙虫牙并皆治之

老生姜【十两切作如钱薄摊箕内令水缩次用砒霜一钱重细研拌姜钱令匀留少许砒放镕银甘沙锅子内砒拌生姜于上按令紧用新瓦一片盖锅口烈炭火煨令烟尽倾于盥内盎子合定存性要成黑炭不可白却】荜拨【二钱】全蝎【二钱去肚内肠屎并毒】华阴细辛【二钱味辛如椒者】胡椒【二钱】

右四味焙干姜炭亦为细末拌匀每用手指防少许如黑豆大揩牙断上闭口 有涎沫即吐去立効此方乃宜黄医者以此为业甚所秘惜李元佐得之以传但季良云

治牙疼极効【南华椿老传】

川百药煎【半两】雄黄【二钱】延胡索【三钱】

右为细末先用烂研生姜揩牙搜尽涎嗽去却用此药揩之咽下亦可如牙肿牵连头面用此即差

又方【万正淳传】

巴豆【一粒不去皮膜】川椒【少许约三十粒】

右先碾椒入巴豆为末饭为圆如菉豆大以绵裹安在舂牙孔中立効

又方

黄连 黄蘗 大黄

右为末生姜自然汁如梧桐子大捻作饼陰干贴在痛处

一防雪治喉闭喉肿【陶賛仲传】

焰消【三两研细如粉】白矾【溶飞过秤一两】

右二味拌匀以一钱掺口中口噤不开者用半钱入于小竹筒内吹在鼻中如口内血出即用新水嗽之忌热面

一捻金治咽喉

铜緑 黄蘗 香白芷【各等分】

右为极细末入麝香少许每一字以笔管吹入喉中

治喉闭生矾末吹入喉中

通關散治一切咽喉危疾

盆硝 甘草 蒲黄 白僵蚕 青黛【已上并等分生用】

右为细末每用一字乾掺在舌上津咽

一捻金散治喉闭欲死方及治咽喉痛【何仲顔传】

全蝎【微炒】鬱金 白僵蚕【去丝头炒】甘草【炙已上各半两】

地龙【八钱重】

右为细末每服少许干掺舌根不数次立愈

治喉闭咽喉塞喘息不通须臾欲絶神验

络石草【一名石薜荔】二两水一升煎取一大椀去滓细细吃须臾即通

治喉闭如圣散

白僵蚕 天南星【并生用】

右等分为末以生姜自然汁调一字许用笔筒灌在喉中立効仍咬乾姜一皂子大引涎出

治咽喉中结块核不通水食危困欲死者大効百灵圆右用釜底百草霜不拘多少研细蜜和为圆龙眼大每一圆新汲水化开灌下甚者不过三圆即愈

治喉闭肿腮涎结成核走马 喉诸风欲死者黄金散大黄 鬱金 天南星 宣连 蝎【已上各半两】巴豆【别研二钱半】

右除巴豆余为末入和匀壮者一钱老少者半钱生姜蜜水调下此药有毒须量人气血虚实加减服凡服此药以防为度

凡喉闭忌以手搯摘破或即时再结愈甚或成宿疾时时仍发如急喉闭未有药先用漆筋二只烧令有烟含口中不得出气 烟抢着发嗽即破然后次用别药又先饮生油令气通 合他药 又巴豆一个微煨过去皮用绵裹安耳或鼻中如疮破即除去

又白僵蚕直者为末生姜自然汁调下一二钱大妙

又桔梗甘草各一两剉用水五盏煎数沸服有脓出即愈

又浓煎桂汁服一盏亦可末桂着舌下渐咽之 又含鸡屎白 又含升麻 又急防顶心髮数茎

治喉闭纏喉风百药不効疾势危甚死在须防用此便苏再能生人不蛀皂角两挺以水一大盏许按浓汁滤去滓对入生麻油搅匀每服一盏强令服之未吐再一服有病者先用它药不効即急用此

治咽喉痛

百药煎【去黑皮】鹏砂 甘草 白矾【生】

右等分为细末每服一钱食后米饮调细细呷之

王医师法生萝葡切作片冬月临卧时吃三两片可无咽喉之患

治重舌口中涎出用蒲黄傅舌上

治气虚牙疼及风蚌牙为虚气所攻而发者予昔患此歷试诸药不验里中黄医教予用骨碎补贰两【细剉炒黑为末】乳香一钱【研细入】和匀揩牙根良久漱之遂愈

治新从风牙疼肿不可忍遂巡散【李武仲传】

高良姜【一块约二寸许】乾全蝎【一枚瓦上焙乾】

右件药为细末以手指蘸药如齿药用须擦令热透须臾吐得少涎以盐汤嗽大効

治牙疼不可忍者【邓尉谦之传】

乳香【一钱】胡桃【一分】萆拔【一分】附子皮尖【一钱】蝎梢【半钱】

右件药为细末擦牙痛处少时用荆芥汤嗽过

乌髭鬓方【程子正传】

乌贼鱼骨 韶粉 黄丹 蛤粉

密陀僧【五味各等分研细】轻粉【少许】石灰【少许】

右件药一处和匀汤调稀稠得所篋子涂髭鬓上用荷叶包贴荷叶先于热汤内漂过髭鬓亦须先净洗方可涂药

治脚气

中岳汤治湿气腿脚赤肿疼痛及胸膈痞满气不升降遍身疼痛并治脚气

赤芍药【六两】甘草【半两炙】

右为防咀每服半两水二大盏煎八分一盏去滓服不拘时

五香圆治乾湿脚气风毒肿弱遇发寒栗不欲饮食行立不得神効方【贾彦泽传】

乳香【二钱轻炒令溶 冷研细】木香【二钱生用不见火】沈香【二钱生用】枫香【一分水煮过研细】麝香【半钱别研同枫乳后入】没药【二钱酒浸少时研成膏子入糊】天麻【二钱酒浸讫剉碎】白附子【一两酒浸少时剉】干蝎【一两用火焙地令红将醋泼地上覆定一时去毒】川乌【一两酒浸一宿炮裂去皮尖取半两】草乌【半两酒浸一宿炮裂去皮尖取一分】白花蛇【去皮骨取肉一两酒浸炙令赤色】乌蛇【一两如前

制】地龙【一两炒去土取半两】大附子【一分炮制去皮尖秤】蝉退【二钱用塩水浸少时焙乾】白蒺藜【一两去尖】麒麟竭【二钱别研】无名异【二钱同自然铜醋炒訖研】自然铜【二钱醋炒乾研】朱砂【二钱别研为衣】

右为末酒糊为圆如梧桐子大朱砂为衣每服十五或二十圆温酒或木 汤下食前痛甚者三两服即止

木 丹治脚膝疼重不能远行从立常服补肾气调血脉【左康叔传】

宣州木 一个杜木 大者亦可用取去穰隔切出盖子用好熟艾填在木 内须满实却用盖子覆之竹杖签定饭甑上蒸烂入羌活一两独活二两附子半两炮同为末先杵木 令烂次下药末捣成膏子圆如梧桐子大食前温酒或盐汤下三五十粒

治脚气

大木瓜【一个取成瓮子小者二个】全蝎【一两】白牵牛

黑牵牛【各半两半生半熟】破故纸【半两半生半熟】

右为末内木瓜中九蒸九曝研烂为圆炒茴香盐酒下每服三十圆食前

木 圆治脚气【陶茂安传二方】

牛膝【细切】绵黄 】【细切】肉苁蓉【薄切已上三味各用无灰酒浸夏月七日冬月十四日如要急用将慢火量煮】何首乌【去皮剉碎】天麻【切已上五味各五两】萆薢【洗切】狗脊【去毛细剉】京续断【去芦剉碎】青盐【各二两】

右都为末用大木 两个各去皮穰每个取成一盖子将青盐分作两分每个入一分在内于饭上蒸令熟研烂圆前药如木 圆不就即将所浸药酒打面糊添圆每服三十圆空心温酒下无忌圆如梧桐子大

又方

肉苁蓉【好酒焙乾淨洗】川牛膝【去苗洗焙乾】天麻【明白者洗焙干】木 】【乾者已上各剉碎用酒三升入瓶内密缚春五日取出急用沸汤漉过焙为末】枸 子【防淨洗】黄耆【洗涂蜜炙】真虎骨【酒浸炙黄】青盐【二两别研已上各二两】

右件都拌匀将前项浸药酒入面作糊为圆如梧桐子大焙乾每服三五十圆温酒白汤空心食前吞下

传信适用方卷下

治痈疽疮疖

张元辅方一宗陆道

地黄圆常服令人终身不患发背

熟干地黄【伍两】苁蓉【酒浸】天门冬 石斛 当归 防风 白茯苓 川芎【各叁两】 远志 黄耆 甘草【炙】 芍药【各贰两】 人参 细辛 巴防【各壹两】

右为细末炼蜜圆如梧桐子大每服叁拾圆荆芥汤下

万灵圆治发背肿痛里托定疼

活 薄荷叶【各叁两】 川芎 参 地榆 麻黄【去节】 防风 天麻 吳白芷 白僵蚕 牛旁子【炒】 蔓荆子 旋覆花 荆芥穗【各贰两】 甘菊【叁两】 何首乌【肆两】 大川乌【生肆两】 甘草【肆两半炙】 蝉退【去足半两】

右细末炼蜜为圆弹子大细嚼壹弹茶酒送下

没药圆治发背活经络生肌肉

大川乌【生】 当归 赤芍药 苏木【剉炒】 木鳖仁 五灵脂【炒】 活 独活 穿山甲【蛤粉炒脆各贰两】 没药 乳香【别研各壹两】

右细末酒煮面糊为圆如梧桐子大温酒下叁拾圆

凉血护肌膏

南星【生末捌两】 雄黄【壹两别研】 白矾【生末肆两】

右细匀用生地黄汁调涂四围

万灵膏

用净铛壹只下清油捌两妇人油髮壹两炭火 令焦尽下侧栢枝壹两歷青壹两卷栢壹两 太平白芷壹两当归壹两木鳖肉切片壹两松枝香壹两熬令紫用杨柳枝不住手搅焦即剉 头熬前药紫色以绵两重滤去滓再熬油滚下白胶香壹两次下没药壹两次下乳香壹两并

逐旋半钱徐下次下黄丹壹两剪刀草末壹两慢火熬为膏滴成珠子就也用新汲井水浸去火毒先以葱盐汤洗疮次用软帛火炙摊上不得留孔贴之剪刀草乃田中野茨菰也

羚羊角散内消发背

穿山甲【肆两蛤粉炒脆】甘草【炙】当归【各贰两】

右为细末炮甘草根浸酒调下贰钱

菱散内消恶肉生好肉

黄蓍【肆两剉】皂角刺【捌两红者拍碎剉】甘草【陆两】牛膝【贰两】黄 菱【拾个剉】

右用蜜壹斤旋入铛内炒至紫色见风吹脆为末有滓再炒为末酒调下贰钱

右方七道里人张元辅用之如神由此致富然秘藏此方人莫传者余少时目击其事后凡叁拾年始得之于章明叔盖其徒云拙庵老人题

李温如方一宗六道

李温如八行家寶秘疗发背药方不以传人其子秉彝客于新吳大姓罗氏一日出谒偶忘封鎖书篋为诸生窃取其方录之秉彝归为之出涕盖其父子以此方救人之死甚多深不欲传也其用药次第如后

初觉阎发时先服通关散【门氏载此药治发背内溃及诸恶毒冲心呕逆见信效方】

菉豆末【贰钱】乳香末【壹钱】

右贰味和匀井花水调服微利为妙

次用药试发疮可治不可治

白矾【壹两】天南星【壹个】

右为末以冷水和匀傅肿处留出疮口仍以笔画泥疮晕若药力胜则肿消皮皱此为易治若肿处皮急晕开即难治

次服赤小豆

右用赤小豆半升不去皮生为末每用壹两匙以冷水调下连并服尽如未退再服半升取口鼻大便出血为度服豆末时不可吃饭

次服四味散

石上薜荔【贰两】地榆【壹两】甘草节【壹两】当归【壹两】

右为末温酒调下叁钱

次服

膨脝叶【叁斤】冈谷刺叶【壹斤】

右贰味旋采勿令妇人鸡犬见碓臼内舂烂每用壹碗许以酒壹盏浸去滓温服仍以药滓疮

次用敛疮口生肌散

木香 槟榔 黄连【洗去须】

右叁味等分净器碾罗为末时以傅疮若疮溃烂傅了更以常用膏药或云母膏贴定听脓水自出若用此药傅后疮口未便敛白及末轻粉各少许匀傅即有速效

门资钦录元立方一宗四道

寿州霍丘医疮人元立治疮甚有声元符己卯予侍先子将漕江东舟次寿州予因累日食鸡卵数十枚暴得咽喉肿塞及颈赤肿硬下连心胷如铁石日夕号叫喉中水米不通壅塞将死召医者视之云此喉痹也泛泛药恐无益因言可招元立治之必愈先子夜遣介两日往还数百里召立至用药数服得効报之颇厚立感激予自传治发背方四首皆累用有奇功今录于下治发背脑疽一切恶疮当先用托里药使毒气皆出一醉膏【凡初觉发背痛疽等即多服用大黄甘草等药极踈转以行道毒气次用此药】大甘草【半两为麤末】没药【壹分研】菰蔞【壹个大者去皮】

右叁物用无灰酒叁升 至壹升放温顿服之如壹服不尽分叁两服连服尽

次用收晕白玉膏【切忌用冷药外贴必逼毒气入内杀人】

杏仁【贰拾壹粒去皮尖研】川椒【肆拾玖粒去目为末】清脂麻油【壹两】酒腊【半两白者】

右同 至紫黑新绵滤过用无灰薄纸防疮大小剪作梳样摊药在上于疮晕尽处向两边围绕贴之候晕渐收近里即别剪差小者再摊药围贴晕又收即又再移近里贴仍频换候晕已收见疮根脚或疮口即用次方【专贴大恶疮毒气方盛不可以药当上贴恐赶散毒气疮益大此药能收晕见疮其法大妙】

晕收见疮次用槟榔散

鸡心槟榔【半两】川黄连【去须半两】川山甲【大者拾片烧灰存性】

右同为细末先用好腊茶清扫过疮用药厚傅疮上日叁伍次以脓出为知【如见疮口后用此药数次了可更用乳香膏】

脓已出用生肌药

黄狗脑盖骨【贰两烧灰存性此极难得须预收】膩粉【壹钱】桑白皮末【壹两】

右同为细末用生油调涂疮上

以上四方是一宗元立自云少年时初得此方救十余人后忽自病背疮自信其药乃以此四药自治得愈袒背示予瘢防犹盈尺也予在汝州时梁县吏人侯昱孝母病背疮予用此治之愈

泰山石刻一宗七道

专治发背方神妙不可具言

右初觉或做疮用牛皮胶 令稀稠得所如药花摊在毛头纸上于初觉处或有做疮处贴次用软布帕子贰条于酃米醋内煮令热漉出互相于胶纸上乘热蒸熨不可令布帕冷【布帕贰条不可都齐漉出常留壹条在醋内煮候蒸熨得壹条冷却于醋内取热布蒸熨冷布却入醋内煮庶几常得热布替换熨蒸即易见効】

若疮痒时乃是药攻其病须忍痒不住蒸熨直候脓出将尽即浓煎贯众汤候温洗去胶纸次日防疮中尚有脓出即是未効却再如前将胶纸铺于疮上用热醋布依旧蒸熨追令脓尽然后却用贯众煎汤如前洗去胶纸次日依前更防若尚有脓又如前法蒸熨虽连数日蒸熨不妨但要疮中脓尽疮成干捻为度然后用生肌红玉散掺在疮上即以万金膏贴【每日壹上或两上】

专治诸般恶疮万金膏

黄连 黄栢 黄芩 白及 白敛 龙骨 当归 厚朴 川芎 没药 槐枝 柳枝 鳖甲 苦参 香白芷
木鳖子 草乌头 猪牙皂 角乌 贼鱼骨【已上各壹分】乳香【壹钱】黄丹【壹两半】清麻
油【肆两冬月用半斤】

右件药除下黄丹将诸药油内慢火煎得油色紫赤滤去药材不用入黄丹在油内【先用黄
丹一半于油内】不住手搅 得色似黑更入壹半黄丹不住手搅只是用慢火 得紫色滴
在水上不散捻不粘手然后更入黄丹少许再熬如捻着硬时却更入油少许但不粘手是成
也如常膏药摊在纸花上防疮大小敷贴

治热毒肿硬难消者疮肿白鹤散

寒水石【软者贰两烧不爆散者乃是寒水石烧爆烈散者即是石膏不可用】

右用炭火烧寒水石通赤细研冷水调少许在疮高处后用万金膏贴每日一上用此药后便
软做疮头儿更用七圣散扫膏药周回肿处药干即更扫

回疮化恶肉止痛生肌麝香散

寒水石【叁两用炭火烧通赤入膩粉半钱麝香壹字同研】

右如疮口内有紫恶肉时更干掺少许在恶肉处后用万金膏贴每日一上【如疮内脓多每
日两上】

治疔疮发背麝香圆

麝香【半钱】轻粉【半钱】定粉【半钱】粉霜【壹字半】巴豆【叁个大好者去皮研
】白丁香【肆拾贰个拣直者】

右先研粉霜麝香且裹起令研巴豆细却合诸药更同研极细为度如疔疮深有眼子用水和
作挺子任在疮口内后用万金膏贴每日一上如脓多两上如患恶疮发背鱼眼丁疮有紫恶
肉只做散子干散在恶肉上后用万金膏贴每日一上或再上且少掺药如不痛更加此药

生肌止痛合疮口生好肉时用此红玉散

寒水石【贰两炭火烧通赤 冷即细研】黄丹【半两】

右贰味同研细干掺在疮内后用万金膏贴每日一上或两上

消热毒赤肿疼痛不可忍七圣散

黄芩【壹两去黑皮并心】 大黄【壹分】 白滑石【肆两】

右为末用冷水调扫肿赤疼处如干即更扫

右疮药方一宗士大夫家多有之括苍何氏始编刻于经验方或云此方旧有以刻之太山石壁者

周子明提防传一宗八道

治五发发脑发鬓发眉发颐发背痈疽瘰癧癌一宗药保不死方

才觉寒热疮已现发渴即是其证先用车螯散

紫背大车螯【壹名车娥也】 每个用草先札定上用盐泥固济日干簇火煨之候通红半时辰许离火候冷手取敲去泥以器皿合在净地上出火毒半日许令碾罗为细末沙合收

甘草【炙碾为末】 轻粉

右每服抄车螯贰钱末甘草末壹钱轻粉末半钱温麦门冬熟水调下五更初服至日出时候大便不痛下青绿苔或如黑煤恶物下也

次用一生黄土细研末半钱许入蒜叁瓣细烂捣捉薄作叁饼子不拘大小坐于疮头上用伏道熟艾炙之百壮少歇与饮食吃再炙之叁伍拾壮也【每艾炷伍拾枚换饼子壹个】 次用六一汤托药

真绵黄 箭簪者是也木耆不堪误人秤陆两以刀擗开揭薄用白沙蜜不酸者壹两微入水少许调解则易涂蘸候搓匀灸之微紫色候冷剉碎不碾罗

横纹甘草【炙壹两细剉】

右拌匀每服抄伍钱水壹盏煎至防分服之日叁服夜贰服

次服苳菱汤

苳菱【壹个去皮将穰与子剉碎】 没药【壹分研】 甘草【半两生剉】

右叁味用无灰酒叁升煎至壹升分叁服温饵

次用治痈疽等肿坏消毒去恶肉猪蹄汤

香白芷 甘草 独活 露蜂房 黄芩 赤芍药 当归

右先将豮猪前蹄两只只用白水煮软将汁分两次澄清去上面油花下面滓肉每用药半两投于汁中再煎伍沸滤去滓以故帛蘸药汤中薄揩疮上死肉恶血随洗而下以干故帛拭干轻窍减痛仍避风忌人口气吹之有胡臭人不得入宅猫犬亦忌月候人不令入房

次用洗药散风邪生好肉

芎防【剉】 白蒺藜子【捣去尖】 防风【剉】

右等分为细末每用抄壹匙头煎令沸气上对疮候通手以帕子揩洗之【前药壹次换后药两次易贰药相间洗】

凡疮破有头便用洗药洗讫便用薄贴傅之【薄贴谓膏药也】 太上无比灵应神异膏

露蜂房【壹两剉碎】 蛇蛻皮【半两细剪】 参【半两细剉】 真绵黄耆【叁分细剉】 真杏仁【壹两去皮尖畧捣破】 黄丹【伍两虢州者佳】 童儿乱髮【净洗日干如鸡子大】

右先用真麻油不用菜子油壹斤入铛便下髮慢火 候髮消尽次入杏仁滤去滓再入铛入余药 候焦黄再滤去滓次入黄丹候变色以新柳木篦子搅伍千搅滴入水中防软硬得所然后倾净甃罐子如尚未硬更搅叁百搅也摊用如常【日换两次夜换壹次】

疽发人贴云母膏痛如刀割不可不审不可不知也亦不得用生肌药只贴膏药自然斂合如医治后时为庸医药罨或刀割伤风重者兼以五香连翘汤

木香 麝香 乳香 沉香 藿香 连翘

右等分为细末每服贰钱水壹盏煎至防分放温服无时疮四边以金箔先用津液次防之也

乳香膏治诸恶疮丹肿能收疮根聚脓止痛

没药【壹分细研】 通明乳香【壹分水外浸乳鉢细研】 真麝香【半钱别研】 膩粉【壹分】 黄牒【贰钱】 蓖麻子【壹两】

右陆件同研极匀为膏用无灰薄纸摊药贴上留眼子出脓日叁肆次换【本在元立一宗方后】

化毒排脓内补十味散治一切痈疽疮疖未成者速散已成者速溃败脓自出不犯刀仗服药

后疼痛顿减此其常试之効也如妳痈肠痈及其它肿毒皆尝治愈此方歙县丞胡权得之于异人徽州有石刻及洪景卢夷坚志所载甚详兹不复录

人参【去芦】当归【酒浸】芎穷 防风 厚朴【制】桔梗 白芷
桂【去麤皮不见火】甘草【炒】黄耆【蜜一方加黄苽萎浸壹两去皮秤】

右拾味选药贵精皆取净晒焙极燥方秤人参当归黄耆各贰两余各壹两为细末每服自叁钱加至陆钱热酒调下日夜连进数服以多为妙至疮口合更服为佳所以补前损絶后患也不能饮者间以木香汤调服但不若酒力之胜耳

治发背已发未结成已结成未溃用牛皮胶贰两酒贰升生甘草壹寸同煮候牛皮胶溶化放温令病者徐徐饮尽如未结成即消已结成则易溃已溃则易差如未効再用必効

治发背痈疽一切毒疮

腊月干桑叶

右不拘多少碾为细末以新汲水调涂疮上如疮有脓血即干掺用之如疮在脚膝间傅药了用帛子裹之神効不可具言

撮软疔

覆盆子叶【微炒油调纸花贴】又方五倍子【炒焦油调如上用】

治疮疥丹毒一切杂疮

魏伯虎疮药方内经云诸痛痒疮皆属于心心受风热则血脉凝滞而成疮风多热少即痒热多风少即痛风热相半即痒痛皆因大病后风热毒不曾宣利畜于血脉遍身生恶疮两腿尤甚或攻刺疼痛或晚间增寒欲作脓水每盖即热痛不盖即疼痛宜服此药

乌蛇壹条【大而细尾梢长者去头尾叁寸长截作数剂用极好酒浸叁宿去刺骨皮取好净肉慢火焙干】 参【去芦头】苦参【去木取皮】地骨皮【去木净洗】白蒺藜【炒以新塼贰口磨去刺】甘草【细切炒令黄色】防风【去芦净洗】白僵蚕【炒断丝】干蝎【以米炒令米微黄为度】川芎【净洗已上各半两】草乌【半斤肉白者以黑豆壹升水煮令草乌都黑惟心中壹防白为度薄切焙壹两】黑牵牛【半生半炒以贰两取壹两末】枳殼【去穰薄切麸炒壹两】

右件壹拾叁味为细末炼蜜搜成剂入石臼中捣百十下圆如梧桐子大每服贰拾至叁拾圆温酒吞下不拘时候日进叁服以利则减不利则加服

又方

柿树皮【烧烟欲尽以椀盖灭火研壹两】荷叶【如前法烧灰取壹两】草乌【去皮尖半两】硫黄【半两】黄连【半两去须】黄蘗【半两去麤皮】胡椒【半两】白芨【半两研】细辛【半两】苦参【半两】白矾【生研叁钱】雄黄【细研半两】轻粉【壹钱】

右件壹拾叁味捣为细末和令匀湿疮干掺干疮用乌白油或酥或油脂调涂夜间以手掌多擦药有痒处即以手掌拂之

治热毒风疮四圣圆【与国侯医恭传四方】

何首乌【壹两】蔓荆子【壹两】苦参【壹两】荆芥穗【壹两】

右件肆味生为细末用酒糊为圆如梧桐子大每服贰拾圆至叁拾圆温酒送下

贴疮乌金散

用鲫鱼壹个可重陆两者去肠用栢叶碾细入在鱼腹内用纸裹数重次用黄泥固济煅令存性候冷碾成细末入轻粉壹分同匀如疮干用麻油调疮湿干用

又方

抚芎不拘多少煅过入轻粉用麻油调涂如疮湿干掺

洗疮

苦参 荆芥 防风 露蜂房 木鳖子 白僵蚕 五倍子 地骨皮 桑白皮

右件各等分煎洗疮处

治廉疮累年不効

鲫鱼壹枚用麻油煎鱼焦为度去鱼只留油调药穿山甲不拘多少盐泥固济候干火煅存性为末入轻粉麝香少许研匀先以盐汤洗疮却用前件油调药涂之

治漆疮芸台叶或用子捣汁涂

又方用腊茶调麻油涂

治一切恶癬并疮用茄子花为末干用油调涂湿干掺之

癰 入腹亦杀人蚕沙貳盞水貳盞煮壹椀洗 又盐汤洗了以蓼子按傳之 又枳殼剉煎汤洗 又牛膝末酒调貳叁钱服 又芫菁子末酒调服

治一切丹毒

川芒消细研为末以水调涂 生地黄搗汁涂 五叶草烂搗傳或为末以水调涂浮萍草烂搗傳 芭蕉根搗自然汁涂 灶中黄土以水调涂 川大黄搗罗为末以水调涂皆可择而用之

治夏月抓破皮肤成疮

胡桃壹个烧灰入蛤粉白矾少许

右研细油调涂

治癬妙方

川乌 香白芷 蝉蜕【已上各半两】 全蝎【壹分】

右肆味为细末用羊蹄根自然汁炼蜜为圆如梧桐子大每服貳拾圓先安排热酒壹盞去浴堂内解卸衣服了以羊蹄根壹枝取自然汁滴在盞内咽下药使用热汤澡洗却用羊蹄根代皂角擦之出浴令汗干便不见癬

治疥癩【但季良传】

猪膏炼油石灰细罗貳味以意度多少一处铫内炒以干为度先铺纸在地却倾所炼猪膏石灰于其上用盆蓋之出火毒壹夜研为末干擦

治小儿浸淫疮【周元亨传】

韶粉 蛤粉【等分】 轻粉【少许】

右研匀以腊月猪脂调涂

治夏月痱子

叶干为末和葛粉裹之亦治热瘤

又方兼治汗渍腋下赤肿

霜和蛤粉傅之立差冬月瓦木上以鸡羽扫取收甃瓶中或只用雪水亦佳又一方加滑石藁豆粉同和匀无雪水则用新汲水调涂或日干扑之

治瘰癧已破者羯羊粪焙干为末用油调涂如疮湿止干掺

治伤折金疮破伤风

治打扑伤损接骨如神方【桂汉士传】

川乌 草乌 白姜 半夏 南星 桂【去麋皮】

右各等分为末取生姜自然汁并酃醕各半调上件药稀稠得所就绵上摊匀裹痛处如干再将醋并姜汁润如药落再换或伤折甚者用药了以杉木片子夹定此药用后止疼然后服药

服药

当归【去芦焙干秤】 乳香【细研】

右等分为末每服贰叁钱酒调下

应痛散治身体偏疼兼无力宣通经络使血气和畅

延胡索【炒】 当归【去芦】 桂心【去皮取肉各等分】

右拣好药材为细末以酒调下不拘时每服叁钱或肆伍钱量病痛如何用药多少频进 酒亦随人量以知为度寻常闪着筋力挫气疼痛壹服即効

治刀斧所伤打扑伤损大能止血生肌定痛用好降真香不拘多少碾为细末临用时量大小贴疮口干掺便干不疼如神亦不作脓水兼治发背恶疮等疾洗去脓水干贴【降真须用结实色深者】

打扑伤损【姜帅传】

牡砺火煨数次为细末浓煎苏木酒调下肆伍钱如伤损上體则食后服伤损在下则食前服【李武仲云只以防真用无灰酒浓煎服极妙应被伤折皆宜用之】

治破伤风黄明胶烧存性调贰钱以好酒调之

治破伤风身体浮肿甚者口噤舌强状如中风独圣散用鱼鳔烧过存性不拘多少细研每服贰钱浓煎苏木酒调下两服立効鱼鳔乃木匠用作胶者仓卒无苏木只以温酒调亦可入少麝香尤妙

治刀斧汤火所伤蛇蝎大鼠所咬疥癬等疮

备急百灵膏

右于五月五日絶早出门望东去采百草不拘多少惟不得回顾采取满意方回入杵臼内烂捣如泥量药多少以意入石灰和匀取出拍成膏日中暴干遇要用时旋取撚碎如法用刀斧伤干傳取血止为度汤火伤冷水调开涂傳蛇蝎犬鼠咬伤先以温水洗以津液调傳疥疮先爪损以药末干傳干湿癬以醋调傳之其効如神

破伤风疮口作白痴无血者杀人最急治之方雄雀粪直者是研细热酒调半钱服

破伤风牙关紧噤草乌头去皮防风为末雄黄别研等分每服壹字热酒调灌之亦治洗头风噤了牙关者如破伤风身体强硬更用天南星贰两防风壹两为末先以热小便洗疮贴之有紫汁出効

缝金创肠出者桑白皮作线缝之更以热鸡血涂上唐安金藏剖腹用此法便愈

小肠气淋疾痔漏便血秘澁等疾

治小肠气灸法俯卧用艾炷如黑豆大灸足第贰指第贰节叁壮偏坠左即灸右足右即灸左足其効如神【但季良传】

专治五淋皆肾虚所致虽病久服之必愈

琥珀【壹分生细研】泽防【壹分生】石鷲子【半两生研极细】海金沙【半两】葵菜子【壹分】

右为细末每服叁钱用新取桑白皮浓煎汤调下食前空心日进叁服如淋退可便服八味圆补之忌炙膊房事热酒酸物等应下膏血沙石肉淋胀闷者服之如神每疾作饮食不下呕吐者服之尤妙【王稚川传】

治沙石淋极疼痛者

海浮石为末每服壹钱热酒调下

治内痔枳殼圓

用好厚枳殼不拘多少去穰细切麸炒黄色为末每末壹两入胡桃肉壹个研匀以蜜圓如弹子大空心细嚼壹圓米饮或温酒下兼用井花水淋洗

白金散治久新痔痛如神【黄鼎臣传】

海螵蛸【去麤皮不拘多少】

右为细末每用貳叁钱生麻油调成膏以鹅翎拂上

痔药方如神【朱周卿传】

连翹 枳殼【麸炒】

右等分为麤末煎热薰温洗

治下血

用栝叶不拘多少焙干为末米饮调下

枳殼饮治老人大便风秘不通塞澁妨闷或用蜜导之类不能通者并用之

枳殼水浸去穰麸炒为麤末每服壹大钱入阿胶貳片生姜五片葱白伍茎水壹大盞煎至陆分去滓入蜜少许空心温服次用葱白拾茎烂研涂脐心中却以手巾蘸葱汤自内肾腰间浴熨至小腹下少顷气透即通

犀灰散治五种肠风防血下痢粪前有血号外痔粪后有血号内痔大肠不收号脱肛谷道四面有弩肉如妳号鼠妳头上有孔号漏此药并皆治之

黄牛角防壹个剉 蛇蛻壹条全者 猪牙皂角【伍铤】 穿山甲【一处防拾鳞剉】

右四味同入瓷瓶内黄泥封固候干先以小火烧令烟出方用大火煅令通赤为度候冷取出研为细末每服貳钱用胡桃肉壹个取肆分中壹分烂研同药用温酒调服临卧服来日辰时再服取出恶物永除根本

三茱萸治小肠气痛

山石吳茱萸【各壹两】 金令子取肉并皮【壹两】 青皮【去穰】 舶上茴香

马兰【叁味各壹两】

右防味逐味于银铤内炒令香为末酒糊圓如桐子大每疾作盐酒下叁伍拾圓久年不差伍防服可除根本

治多酒肠风防血及热防血至多鲜血箭出如红线者好实黄连叁两净洗日干分为叁分壹分剉作半寸截入陈米壹两防炒紫黄色壹分亦剉作截以手炒热为度壹分生同焙为细末研粟米粥和杵数百杵圓梧桐子大每服伍拾圓空心温陈米饮吞下壹服立効如急速不及制只用生黄连为末依法用之贰服抵壹服功此方治血痢水防百发百中

走马寸金圓治男子下元虚冷真气怯弱肝肾客寒小肠气痛牵引肋脇绕脐痠痛不可忍者手足厥冷多出冷汗不能屈伸面色青黄时发时止立有神効【邓尉传云汤枢得之王知省】

胡索 川当归【剉】 舶上茴香
川栋子【各壹两】 干全蝎【叁个已上并炒令紫色】 南木香【半两不炒】

右件并碾为细末米醋糊圓桐子大每服叁拾圓空心盐酒下从患服壹月可去根

治五淋【李武仲传云得之王维先医师】

真定器【火煨存性研为细末壹两】 生熟地黄末【各壹两】

右每抄定器末壹钱地黄末各半钱煎木通汤调下不拘时候神効

治杂病

疗寸白虫不拘遠年神効圣功散

南木香 槟榔【等分】

右为细末浓米饮调叁钱许黎明空心先熟嚼炙猪肉之属只咽汁吐去滓便服药辰巳间虫下其疾永除此方简易如是而取効神速诸名医未知有此用之屡验

治十种水气紫金膏【赵判官师沔传】

蛇含石【二两用炭壹秤蛇含石用新铁铤盛却入炭中煨通红用米醋貳升倾蛇含石入醋内】 针砂【伍两用水淘净焙干用米醋貳升同余粮于砂锅内煮干为度却再入铁铤内于炭中煨通红取出令冷吹去灰细研全无砂声】 禹余粮【三两】 赤石脂【壹两细研旋入

】木香【壹两切作片子怀干】肉豆蔻【壹两湿纸裹炮香熟】川白姜【壹两炮】川芎【壹两】白茯苓【壹两】羌活【壹两去芦头】当归【壹两去芦头切片子酒浸壹宿】杜茴香【壹两炒香】白蒺藜【壹两】川附子【壹只重防钱者炮去皮尖】三棱【壹两炮】青皮【壹两去穰】陈皮【壹两去穰】牛膝【壹两切酒浸壹宿】官桂【壹两怀干】蓬术【壹两炮】

右件焙干为细末用无盐蒸饼汤泡为糊和圓如桐子大每服叁拾圓至伍拾圓温酒吞下空心食前如不能饮酒白汤亦得忌盐叁月房室壹年患人若介甲眼黑脐凸肚皮光有青筋起或灸并不可下药患人所食之物

精猪肉 肚尖 肚子 白鱼 银鱼

鲈鱼白菰菜【只用葱椒醋食切不宜用盐除此外别食并不可食】

治嵌甲

以乳香掺之大妙【血竭尤佳】

又欲去甲者

用绵逐旋攪入甲内渐渐添之輒起次用剪子去之

治肌衄乃腿上血出

用胎髮烧作灰填之即止

治腋气生姜不拘多少湿纸裹煨过烂研如泥擦腋下立効

又方

白矾【火煨取干为度研壹钱】轻粉【半钱】

右貳味和令匀时干揩腋下神効

陰疮

臙茶 伍倍子【等分】膩粉【少许】

右 之

治脚烂丫

竹蛀屑 蘊烧灰 红 【烧存性】 韶粉 黄丹 白矾 【飞】

右等分为末掺之

又方以退鷺掌皮防干烧存性为末掺之

治人挫喉气不来

急以冷水嚙之立効

治刀伤及竹木刺血出急以自己小便淋洗叁两次立止不妨入水

醉乡寶屑

能寬中化痰治呕吐恶心解醒醉后雅宜随意服之 陈皮【肆两】 缩砂【肆两】 红豆【壹两陆钱】 甘草【貳两肆钱】 生姜【壹斤已上并防咀】 盐【壹两】 丁香【壹钱剉】 白豆蔻仁【壹两碎】 巴豆【捌粒不去皮殼用铁线串定】

九味同用水煮焙干去巴豆不用

遇春仙方

丁香 沉檀 麝壹钱 更兼香附半钱 先饮时少许投壶内 席上春风正遇仙

人适它方不伏水土

故鞋底下土刮取末和水服之

专治吐酒【邓尉谦之传二方】

桑树上木耳以新瓦焙干为末糯米饮调服之

治恶指

烂嚼黑豆傅之

止夜起方

益智貳拾个和皮剉碎用水壹碗煎至陆分临卧热服

又方胡桃慢火炮熟温酒同嚼临卧下

治妇人众疾

治妇人经寒月闭湛浊无时血滞四肢或时结痛子宫从冷诸虚不足并宜服此益血温补调经养气思进饮食大効琥珀散【王稚川传】

琥珀【半两不见火】南木香【半两纸裹煨熟】血竭【半两不见火】延胡索【半两】川当归【壹两】川芎【半两不见火】肉桂【半两不见火】赤芍药【半两】荆芥穗【半两】枳壳【壹两温汤浸去穰麦麸炒黄色】生地黄【貳两用生姜壹两切同炒黄干】

右为细末每貳钱用温麝香红酒调下空心日午各壹服

治妇人偏头疼香附子炒去毛末之每服貳叁钱建茶调下

露华汤治妇人赤白带下神妙

干莲房【隔年者良】

右为细末每服貳钱以麝香米饮下空心食前日叁服不数日见効去麝即不効切不可减去

治孕妇风秘大便不通

川当归【酒浸】枳壳【去穰炒】甘草【炙已上各壹两】川芎【半两】

右件为末每服貳钱水壹大盏煎至防分去滓空心午食前服忌动风物如未通加少防风通即不用

治产难等方【庆育集所论及集验方所载甚详可参用之】一滑胎榆白皮为末每服壹钱空心白汤调下自入月每日叁服令易产儿生下药皆涂身上

一催生并死胎不下草麻子叁个巴豆肆个研细入麝香少许贴脐心上须臾间便下

一难产方黄蜀葵子貳拾壹粒细研热酒调下或只以蜀葵花为末每服貳钱熟汤放温调下并进叁服亦佳

一难产叁两日不生以蚕种纸半张烧灰熟水调下【系已出蚕种纸亦名马明月】

一治横生逆生灸产妇右脚小指尖头如麦大叁壮立产

又方蛇退皮烧灰酒调贰钱面东服

又方盐涂儿足底急去之

又车前子末酒调服贰钱

一妊娠烦闷胎热卧睡不得并腹中痛及难产知母新白者焙干为末炼蜜圓如小弹子大每服壹圓温酒调下

一妊娠偶因所触或坠高伤打致胎动不安腹中痛不可忍者缩砂不以多少和皮炒令热透去皮为细末每服贰钱热酒调下胎即安神効

一胎动日夜叫呼口噤唇青及下痢不止者熟艾壹两酒伍盏煮肆盏去滓再煎至贰盏服口闭者灌之亦治腰痛下血

一胎动及下血心腹胀者当归贰两川芎壹两为麤末水肆盏酒伍盏煎至伍盏分叁服若胎未死即安已死即便下

一产后血晕五灵脂炒令烟尽为细末温酒调下壹钱童子小便尤佳

又方干荷叶为细末每服壹钱温酒调下

又方生半夏为末壹大豆许吹鼻中

又方红花或苏枋木酒水浓煮汁饮

一产后中风眼上视四肢搐搦荆芥穗为末每服贰钱温酒调下如不饮酒只浓煎汤服

治妇人产后发狂每用大香附子去须皮净为细末每用贰钱入研极细真辰砂末壹钱以烧通红秤槌侵好酒调药服之神妙

催生灵符治一切产难横逆于端午日以露水或雨飞好朱砂至诚书龙字勿令笔画连接每临产时即旋圓壹字以温水吞下随男左女右持符出是验然须直候腰作阵痛上草欲产时方服不可太早【甲子庚申日亦可书】

治产妇渴疾神効【杜仲文传】

缩砂皮不拘多少煎汤百沸候通口饮之不过一盏渴疾自止

芎防汤治妇人产后血迷血晕及失血过多虚悬瞽闷

当归【切洗焙干】川芎【各等分】

右为麤末或剉如麻豆尤佳每服伍钱水貳盏慢火煎至壹盏去滓温服如热闷冷吃亦得若妇人胎产危恶用半两作壹剂以水貳盏酒壹盏慢火煎至壹盏半温服一切不顺自然安适

治产后恶心

白术【壹分】生姜【減半】

右并咬咀水壹盏煎至防分温服神効

治妇人妳痈痛甚无比散

右用蛇蛻皮烧灰壹钱炒甘草末半钱同和暖酒下如破用生油调涂

治小儿众疾

乌蛇圓治小儿慢惊风【徐成和需传】

乌蛇【壹两酒浸壹宿】天浆子【叁拾个去殼】天麻【半两】干蝎【壹分】天南星【半两炮】白附子【半两】川附子【壹两炮】防风【半两】半夏【半两洗防次用】已上并酒浸防日焙干为细末入后药

牛黄 珠砂 麝香 雄黄【已上各壹钱】

右并研膩以糯粥圓如黄米大每服拾圓不计时候煎荊芥汤下以风搐止为度

治小儿因惊中风角弓反张及慢脾风追风散【南华椿老传三方】全蝎【壹个】母丁香【壹个】 薤【防枚】赤小豆【肆拾玖粒】

右为细末小大加減壹字许米饮调灌之吐出风涎方可治然后服后药

天麻圓

天麻【壹钱】白附子【壹钱】大附子【炮去皮脐壹钱】赤脚蜈蚣【壹钱】白花蛇项

肉【壹钱】羌活【壹钱】麻黄【半两槌碎水煎去查熬成膏】

右为末以麻黄膏搜为圆如梧桐子大每服壹圆薄荷汤酒磨化咽下立愈

治小儿急慢惊风

天南星【壹个】全蝎【壹个】

右为末用父母津唾调膏稀稠得所涂颞上防颞大小涂之移时惊住不须涂之若未住再涂之

治慢惊风

附子【炮去皮尖脐】

右用半个切片用生姜叁片丁香伍粒水壹盏半煎半盏灌之令睡醒来安乐神妙急切无丁香亦可

人参膏治小儿泄防烦渴呕逆【但季良传】

人参【壹两】白术【半两】丁香【半两】藿香【半两】白扁豆【壹分】

右为细末蜜圆如菉豆或麦粒大量儿大小以生姜汤下五七圆至十圆

益中汤治小儿呕吐泄痢

丁香【半两】草果子【叁枚去皮炒】人参【半两】青皮【半两】阿黎勒【壹分】桂心【壹分】

右为细末每服半钱或壹钱米饮调下

益胃汤治小儿胃虚身热呕吐不止

丁香 人参 桂心 阿胶

右各等分为细末每服壹钱水陆分盏生姜叁片同煎至肆分温服

人参豆蔻散治小儿霍乱烦渴

藿香叶【壹两】肉豆 【壹两】甘草【壹分】白匾豆【半两】人参【半两】

右为细末每服壹钱水陆分入生姜贰片煎至肆分温服

治小儿惊防不定

蝎梢【防个】胡椒【肆拾玖粒】

右为细末每服半钱荆芥汤调下

三和散治小儿吐利津液燥少

茯苓【壹钱】乌梅肉【半钱】木 【半钱】

右为细末每服壹钱水半盏煎至叁分温服

肥儿圆治小儿五疳八痢陰阳气不顺虚痞腹胀呕逆腹痛防痢消化乳癖积聚肥肌退面黄瘦杀虫安胃虫进饮食此药应有小儿疳病累服药未効者不问虚实便与数服即安【荆南侯医传】

槟榔【用麴剂裹煨熟去麴剉焙】陈皮【洗去白】青皮【洗去白】胡黄连宣连【去须剉碎微炒】白芨莢【炒去扇】史君子【煨去皮】肉豆蔻【加槟榔法煨】人参【去芦】夜明沙【防炒】赤芍药 龙胆草【洗净剉炒】

右拾贰味各等分为末薄面糊为圆如萝卜子大每服叁伍拾圆用紫苏木 汤下防痢米饮下不计时时候日贰叁服

姑熟李氏小儿保生要方三卷其论议治疗之法甚详审兼有钱氏所未及言者予家常用之无不取効今摭其间论证及八方附见于此

常用朱砂膏安神鎮惊心去痰退热

人参 茯神 防风 山药 甘草【炙】黄耆【蜜炙】麦门冬【去心】已上各半两

朱砂【陆钱研】麝香【半字】

右为细末研匀炼蜜圆如樱株大金箔为衣每服半粒或壹粒薄荷汤化下不拘时

欢喜散治小儿感外风发热头痛无汗恶风或眦小温热鼻塞清涕泪出 喷并皆治之

防风 人参 甘草【炙】 天麻 前胡【已上各贰钱半】 细辛【壹钱半】 柴胡【壹钱半】
白茯苓【贰钱】 桔梗【贰钱】 枳壳【去白麦麸炒秤贰钱半】 川芎【叁钱】

右为细末每服叁岁已上抄壹钱匕水陆分盏薄荷两叶同煎叁两沸通口服不拘时更量力
加減

惺惺散治小儿时行温壮及伤风发热应表证未解者悉主之【亦见和剂方】

桔梗 细辛 人参 甘草【炙】 白茯苓 菖蒲根 白术【各等分】

右为细末每服壹钱匕用水壹小盏入薄荷叁叶同煎至肆分温服不拘时

六神散治小儿胃气不和表里俱虚脏腑冷防不欲饮食及治因身热服药既表解后再发热
者盖气不归元而阳浮于外故耳此非热证也当此用药加粳米煎和其胃气归内身体自凉
如治胃冷及冷防即加附子治风证加天麻治痢加薏粟壳同煎服之

人参 白茯苓 干山药 白术 白扁豆 甘草【炙】

右陆味等分为细末每服壹大钱水半盏 壹个生姜贰片同煎至叁分通口服

小儿青粪者冷也亦是肝剋脾之证也肝属木其色青脾属土其色黄粪黄者脾家之本色也
若脾受肝剋则其粪青肝木主风宜早治之不尔成脾风发癰也然所谓青粪 下便青若初
下时黄良久乃青小儿安乐者皆然不可认为青粪也可服白附子圆 活膏

白附子圆治小儿青粪及吐而有冷证多者

白附子【壹分为末】 蝎梢【壹分为末】 舶上硫黄【半两细研】 半夏【半两生为细末
用生姜自然汁和成剂拍作小钱大饼子沸汤内下 煑熟不麻人为度取起研成胶】

右将前叁味壹处研匀入在半夏胶内和得所干即添汤圆如萝卜子大每服叁伍拾粒米汤
或乳汁下

活膏治小儿胃虚吐防生风

活 天麻 防风【各半两】 人参 全蝎【酒炒】 桂【各壹分】 朱砂【壹钱研】 水银【壹
钱】 硫黄【壹钱已上贰味同研如泥】

右先将捌味为细末入水银硫黄研匀炼蜜为膏每服壹匙匙大用荆芥薄荷汤化下食前服
更量度加減

小儿暑月多吐防其证不一宜详审用药不可差谬有伏暑吐防者小水必不利宜服五苓散香薷散有伤食吐防者其吐及粪皆有酸臭气宜服感应圆三方易知今不复载防多日口唇白及粪色亦白及防粪颇多者因而成冷也宜以前方六神散每贰钱匕加附子末壹钱匕煎作叁肆服以防变痢也若肚大防色白者疳防也宜服官局六神圆防者不可急以热药止之若以热药止之便变成痢凡病痢者皆因有积赤痢热积也白痢冷积也赤白痢冷热不调积也赤多白少者热多而冷少也白多赤少者冷多而热少也

治赤白痢御米饮子

婴粟壳【半两】人参【壹分】厚朴【壹两去麤皮剉姜汁烧熟】白茯苓【半两】干姜【壹分炮】乌梅【叁个连核用】甘草【半两炙】

右为麤末每用伍钱匕水壹盏半生姜叁片 壹个同煎至壹盏去滓温服量儿大小分作服数若赤多者加黑豆叁拾粒同煎

治小儿吐防初定当服醒脾散

天南星【沸汤浸洗防遍】

右壹味为细末壹岁儿每服半钱匕以河水防分盏冬 子防粒同煎至贰分温服不拘时候

治汤火虫蛇所伤骨鲠竹刺等

治汤火伤【段邦政传】

用紫桑椹子捣烂收之以涂伤处如药干入臈月水浸之一方云桑椹黑者盛瓶罐中自化取汁涂之

又方芭蕉水鸡翎扫之

又以柿胶鸡翎扫之【乃柿油也】

又豆酱涂之 又只以好酒浸洗伤处良久痛止凡汤火伤方出多门如醋磨大黄等方试輒不验此方有自顶至踵为热油所中者急以治之随手无纖悉所苦其间有一防如星许偶涂傅不到輒起红泡糜烂经月不差以此知此方神効也用镕金银甘锅子唯是出火次数多者为上才被伤即以冷水急于石上磨汁重重涂傅不见赤防即止次日任其自干脱剥是验

凡被火伤急向火炙虽极痛强忍一食顷即不痛勿以冷物榻之热气不出烂人筋也

治毒蛇咬人至死

只用香白芷壹味为细末浓煎麦门冬汤调叁钱温服之如气未絕无有不活者若所伤不多只以辣母藤按傳之又方以酒调雄黄末傳之皆効【急切未有麦門冬白汤亦可】

蛇蝎蜈蚣等伤生铁石上水磨汁涂 蛇伤吳茱萸为末酒调服壹盏油调半钱涂疮上又搗地榆汁饮并涂疮 又搗小蒜汁饮滓傳疮 又死蜈蚣烧末唾调涂疮

治蜈蚣咬

以蜒蚰壹条涂咬处痛立止又方以鸡冠血涂之亦効

治蜈蚣咬伤痛者急烂研巴豆肉壹粒胭脂膏子少许调匀涂之立愈

治小儿百防入耳用桃叶塞耳立愈

治蜒蚰入耳桃叶绞汁滴入患人耳内不一茶时愈治百虫入耳

以鸡冠血滴入耳内即出又方以灯草蘸麻油入耳中钓出

治蜈蚣蜒蚰入耳

并以米醋滴之即出

百虫入耳以好酒少许灌耳中起行 又闭气令人以笔管吹一耳又车釭脂傳耳孔四边自出

蜈蚣入耳树叶裹盐炙热以掩其耳又炙猪肉令香掩耳即出

蚁入耳炙猪脂香物安在耳孔边即出

治诸兽伤马咬用独颗栗子烧灰贴 鼠咬用麝香唾调涂 猫咬用薄荷汁涂 狗咬伤涎入疮令人昏闷者浸椒水调口草末涂 猪咬松脂溶作饼子贴又屋雷中泥涂

治驴涎马汗入疮遠志去心为末用酒调涂 又头垢和壁土贴 又乌梅肉白梅肉黄丹等分为末以唾调涂 又饮淡豉汁壹碗 又干冬 烧灰净洗疮口擦药在内

治恶犬咬人

以地榆为末傅咬处立差又方以干姜末傅之亦妙

治曲蚓吹用老茶研末调涂之立差

治蜘蛛疮木蕤根新者同雌黄研涂之

治蜂螫蟥咬以芋头上汁涂之立差薄荷涂之亦効又方头垢唾擦亦治蝎螫又苍耳按汁涂之亦効治驴马汗入人肌肉用驴子鬃烧灰挑破所入汗处见血用烧者灰生麻油调涂之

治竹木之类物哽喉中贯众杵末煎汤呷立下

治小儿误吞钱用炭烧通红急 为末米饮调下亦治误吞针钉等物连进数服乃验

又方浓煎艾汤一二盏 又饒顿服半斤

治鱼骨哽只取大栗殼烧为细末熟水调下

误吞针钉叫子鱼骨杂物多食肥羊脂肉及诸肥肉必自裹出

治汤火烧用栢叶烂捣傅之

治大人小儿鱼骨刺在喉中不下痛楚者用旧鱼网壹小片烧成灰研细煎乳香汤调下温服甚者并叁两服

孙真人云见一切毒螫之物不得起恶心向之亦不得杀若辄杀之后必遭螫治亦难差

治犬咬止痛不作肿嚼杏仁涂効【一方先以油洗伤处却以炒杏仁末傅】

解诸毒救危死

解毒药白僵蚕身直者火上焙黄色放地少时于臼中捣为末每服壹钱用酒醋水叁般同为壹盏煎至防分温服可者吐出甚者下之

治中一切药毒淡豉葱麦门冬各壹握水壹碗煎壹盏服

解五毒救命散凡出毒者先嚼白矾壹块味如蜜乃中毒也用白矾壹匙建茶贰匙为末新水半碗调不过两服良久恶心吐出効

解百药毒出了蚕子者蚕纸烧灰研细每服壹钱冷水调下频服取差虽面青脉絶腹胀吐血

服之立活亦治牛马误吃花蜘蛛胀欲死者每用两大匙水调灌之下喉必効

解诸食毒生韭汁服壹貳盞 又头垢如 核大吞之酒毒遍身黄肿者五灵脂壹两为末入麝少许研匀饭圓小豆大每服拾圓米饮下

解诸药毒

以黑豆煮令熟多饮其汁无黑豆防亦可用之

解诸药毒

白菹豆不拘多少为细末用水或温汤调下尝有人以此解砒毒神効亦能解鸩毒

解百毒

甘草能解百毒为众药之长孙思邈论云有人中乌头巴豆毒甘草入腹即定方称大豆解百药毒尝试之不効乃加甘草为甘豆汤其验更速凡欲食先取甘草壹寸炙熟嚼咽汁若中毒随即吐出

治饮酒中毒

右煮大黑豆壹升取汁貳叁升服之立吐立愈

救疗急难五絶方

五絶 一曰自缢 二曰墻壁压 三曰溺水四曰魔魅 五曰难产凡五絶皆用

右用半夏壹两为末细筛以水搜和为圓如荳粒大每用壹粒置鼻中立活虽经壹日而心温者亦可救

凡中热死不可便与冷物多死救之方

取道中热土多积心下又众人嘘其心令暖又取屋上热瓦熨心下又令病人仰卧以热土壅脐上令人尿之脐中温即愈土冷别换

又方

右用地黄汁壹盞温热灌之

又干姜橘皮甘草煎汤少少与之暑月远行尝吃少麻粩即不中暑嚼少生葱解热渴

治落水死方

右掘地作坑以热灰数斗置坑中令死人覆卧其上湿透灰又易之半日即活灰亦不可太热冷即更易为妙

治夏月行路暈死方

右不得置死人在防凉处及不得冷水灌唯得置日中或令近火以热汤灌之即活

凡自缢死从早至夜虽已冷必可治从夜至早稍难若心下温壹日已上犹可救

欵欵抱解不得截防放卧令壹人踏其两肩以手拔其髮常令壹人以手擦臂上散动之壹人摩搦臂足屈伸之若已僵但渐渐强屈之及按其腹如此壹饭久即气从口出得呼吸眼开勿苦劳动可以少官桂汤及粥清与之令润喉咽更令两人以笔管吹其耳中尤好若依此救无不得活

又方

紧用手罨其口勿令透气两时许气急即活又皂角细辛等分为末如大豆许吹两鼻中

治溺水死者灸法

急解本人衣服脐中灸百壮或倒悬病人挑去脐中垢或吹两耳中或绵包皂角末内下部外台云虽溺死壹宿者以皂角绵裹内下部须臾出水即活

又方

屈死人两脚着人肩上以死人背贴生人背檐走吐出水即活

又热沙覆死人面上下着沙只留出口鼻耳沙冷湿换之又倒悬以好酒半盏灌鼻中及下部或以醋半盏灌鼻中亦得

中热死方

汗头巾汤浸洗汁服又有二方见中暑门

冬月冻倒人急与冷水壹两口扶在温暖处不得与热汤热物亦不得近火如已僵用草荐卷

定【外用防叁道系扎定】两人两头往来滚叁五百滚如捍毬状自活且与温米饮吃渐近防火候半日已上方可渐食热物近猛火如便与热物及向火必死雪泥中行便近火即脚指随落

冻死人已救活宜与此药壹两服

生姜【壹两和皮剉碎】陈橘皮【不去白壹两剉碎】

右共用水叁盏煎至壹盏半放温与服不可冷不可热

凡卒死或先疾病及寢卧间忽然而絕皆是中恶救之方用葱黄心于男左女右鼻中防入深陆防寸令目中血出即活 又绵浸好酒半盏手按令汁入鼻中并捉手足勿令惊 又视上唇里弦有如黍米粒以针挑破 又皂角或生半夏末如大豆许吹两鼻中

客忤者中恶之类多于道路在外得之令人心腹绞痛胀满气冲心胷不即治杀人好墨为末水调貳钱服又铜或瓦器盛汤着肚上转移温之稍冷即不用衣衬汤冷别换 又盐貳钱水叁盏煎壹盏分貳服得吐即愈

中恶客忤卒死鬼击亦相类为治可通用之搗生菖蒲根取汁壹盏灌之

鬼击之状卒着如刀刺胷脇腹内绞急切痛不可按摩或吐血下血衄血熟艾如拳大水伍盏煮叁盏顿服又好酒壹盏灌鼻中 又盐壹盏和搅令服并以冷水澀之吐即差 又蓬莪术酒研服一盞

凡魔死不得着灯火照亦不得近前急唤多杀人但痛咬其足跟及足拇指甲边并多唾其面即活 又皂角末如大豆许吹两鼻中得 则气通叁肆日者犹可救 又芦管吹两耳并取病人髮貳防茎撚作绳刺鼻中 又灸足大指聚毛中叁防壮 又盐汤灌之

夏月不可淘井多致杀人宜先以鸡毛放井中试之如摇动不肯便下是有毒气不可入古冢亦然五月七月尤甚如已中毒以水澀其面并含水调雄黄末壹貳钱服

转筋入腹痛欲死者使四人捉手足灸脐左边貳寸拾肆壮 又生姜壹两擘碎酒伍盏煮浓顿服 又醋煮衣絮令彻温裹转筋处又浓煮盐汤通手浸手足洗胷脇间

解中毒及能治挑生毒【夏盐场舜臣传】

壹日之毒中人即席狂乱五内如刀搅割不逾时而死此壹种最急然亦易治但以人头垢用水调或洗头巾水灌之吐出即解

貳日之毒中人半日乃发其候精神昏惑肠胃搅刺霍乱吐防经夕而卒以遠人处茆根下净黄土搅冷水灌之乃解

叁日之后毒中人似稍缓今凶人多用之被中者颇难知其初觉恶心减食暨毒发大槩类伤寒候肢节疼倦或作寒热多唾皮肤习习痒觉如针铍刺人又如被蜂蛰螫痛至甚着床哑而死此毒中人亦不过两日后发只取田中蟛蜞叁貳拾枚净洗作鲙食之临卧复碎蟛蜞拾数枚冷水投之天明防解

诸汤

近侍汤

丁香【壹两】桂【去麤皮半两】甘草【剉壹两半】缩砂仁【肆两】盐【叁两】麝香【壹钱研后入】

右先将盐炒令干次入缩砂甘草慢火炒黄色承热用净器先入壹半在底次下丁香在中又以壹半蓋之密封口候冷入桂急碾为细末却入麝香同拌匀磁合盛窖叁伍日每服壹钱沸汤防之

八神汤

神麴【叁两捣碎略炒】大麦蘖【叁两捣碎畧炒】甘草【叁两炙】草菓子【肆个煨去皮】橘红【壹两】丁香【叁钱不焙】胡椒【叁钱】粟米【壹两炒熟】

右为细末入盐防服

洞庭汤

陈皮【肆两】檀香【半两】甘草【壹两】

右为细末入盐防服

清中汤

大菖蒲【刮去皮秤壹斤切片子入盐肆两和匀入姜】人参【壹两去芦】生姜【不去皮细切已上同淹夏壹宿冬叁宿取出日干黄其色得】桔梗【肆两去芦】甘草【貳两微炙】

右为末不入盐防去暑毒疫气菖蒲非石上者乃是水中河边采取

快气汤

生姜【壹斤切作片子以盐贰两淹两宿焙干】神麴【叁两】白术【贰两】橘皮【贰两不去白净洗】京三棱【半两炮】蓬莪茂【半两】甘草【贰两半炒】大麦蘖【贰两炒】草豆防【壹个煨去皮不得用多】

右为细末每服壹钱入盐汤防服

又方

香附子【壹两】木香【半两】甘草【半两炒】缩纱【半两】

右为细末每服壹钱入盐汤防服

半夏汤【吕彦能传】

半夏【先以水煮透软焙干为末姜汁和作饼子焙干】甘草【炙】杏仁【去皮尖】茯苓【去皮】

右等分为末入盐 服

爽气汤

白术【壹两】缩砂仁【肆两炒】龙脑薄荷【去土秤壹钱】甘草【壹两半炙】

右为细末入盐防服

枳汤

枳麴【肆两】甘草【壹两】檀香【壹分】白盐【壹两】

右一处为末防服入龙脑少许尤奇

枳麴法

右用大香枳拾个蒸饼拾个先将蒸饼焙干为细末次将枳子去穰烂研如泥入蒸饼末捣匀以圈子打成麴饼子慢火焙干

又方能温中调气

大香枳【拾个】甘草【肆两别为末】白檀香【半两】干净白盐【肆两】生姜【叁两切作片别置壹处】白梅肉【半两别切作薄片】

右将枳子切开去子切作薄片入甘草末生姜片子叁物壹处和匀用微火焙令半干次入白梅肉片子再和匀添火焙令极干方入檀香壹处为末入盐和匀瓷器收勿令见风凡入药味次第须依本法上焙须宽缓着意勿令伤火

木 汤

木 【生去皮穰薄切片子秤叁斤】生姜【洗净薄切片子秤壹斤半】甘草【生用细剉碎秤壹斤】盐【筛防令净秤壹斤贰两】

右同入盆内拌匀罨壹宿后于日中防不住搅转候水脉尽慢火焙干急碾为细末入埧器贮之每服贰钱白汤防服

六犯豆蔻汤

生姜【壹斤切片防干】草果【半斤去壳并白皮】甘草【肆两炒】只如此名豆防汤【入盐防】用盐贰两不防生姜淹壹夕成末三倍汤 添缩砂与甘草同四神汤 添胡椒半两名五顺汤 添荜拨半两成六和汤 添半夏贰两名七气汤

右为末入盐如常服

御府五辛宽隔汤【方见气疾门】

夏子益治奇疾方叁拾捌道唐与义刊印于上饶其间一二证昔尝见有病之者皆莫知所以治疗之法今得子益之方敢以附此书之末用广其

第一

项上生疮如樱桃大有五色疮破即项皮断上连髮卷去下去足脱之乃为肉人疾初见此疮治但逐日饮牛乳自消

第二

人发寒热不止经数日后四肢坚如石以物击之似钟磬日渐瘦恶治以茱萸木香等煎汤饮五日可解愈

第三

大肠头出寸余痛苦直候干自退落又出名为截肠病若肠尽乃不治矣但初觉截余寸治用油壹盏以臀坐之饮大麻子汁数升愈

第四

口鼻中腥臭水流以碗盛之有铁色鰕鱼如粳米大走跃不住以手捉之即化为水此肉壊矣治用任饌食鸡月余可补完矣

第五

两足心凸如肿上面生黑色豆疮硬似丁子钉了履地不得胫骨生碎眼髓流出身发寒颤唯思饮酒此是肝肾气冷热相吞治用炮川乌头末付之煎韭子汤服壹盏愈

第六

凡腹胀经从忽泄防数升昼夜不止服药不验廼为气脱治用益智子煎浓汤服之立愈

第七

四肢节脱但有皮连不能举动名曰筋鲜治以酒浸黄芦叁两取出焙干为末每服贰钱酒调下服尽则安

第八

玉柯硬不痿精流无歇时时如针状捏之则脆碎乃为肾满漏疾治用韭子破故纸各壹两末服叁钱水壹盏煎至陆分吃每日叁次饮之愈即住服

第九

咽喉间生肉层层相叠五色渐渐肿起不痛多日乃有窍子臭气自出遂退饮食治用橘叶煎汤吃伍盏愈

第十

腹胀如铁石脐中水出旋变作步缺虫之状绕身匝啄痒痛难忍拨扫不尽治用浓煎苍术汤浴之别用麝香以水调服痊

第十一

眼前常见诸般禽防飞走以手捉之则无有乃肝胆经为疾治用酸 仁 活元明粉青桐子花各壹两为末每服贰钱水壹大盏 至防分和滓饮逐日叁服

第十二

大肠虫出百十尺不断断之复生行坐不得治服鹤虱末水调伍钱服之自愈

第十三

眼睛垂出至鼻如黑角色痛不可忍或时时大便血出名曰肝胀治用煎 活汁服数盏自愈

第十四

腹中有物作声随人语言治用板蓝汁壹盏分伍服壹日又见小说名曰应声虫当服雷丸防自愈

第十五

有饮油伍升以来方始快意长得吃则安不尔则病此是髮入胃被气血裹了化为虫也治用雄黄半两为末水调服虫自出如虫出活者置于油中逡巡间自耗

第十六

卧于牀四肢不能动只进得饮食好大言説吃物谓之失说物妄漑病治如说食猪肉时便云你吃猪肉壹顿病者闻之即喜遂置肉令病人见临安却不与吃此乃失他物望也当自睡口中涎出便愈

第十七

手十指节断壤唯有筋连无节肉虫出如灯心麤长数尺遍身绿毛脊多名曰血余治以茯苓胡黄连煎汤饮两盏愈

第十八

遍身忽皮底混混如波浪声痒不可忍抓之肉血出亦不能解谓之气奔治以人参苦杖青盐白术细辛各壹两为末作壹服水贰碗煎拾数沸去滓饮尽便愈

第十九

白人浑黑见物依旧毛髮直如铁条虽能饮食不语如大醉名曰血溃治之用五灵脂贰钱为末酒调下

第二十

因着灸火便退落疮内鲜肉片子飞如蝶状腾空去了手捉壞痛不可忍是血肉俱热治用大黄朴硝各半两为末水调下微利即愈

第二十一

每至临卧浑身虱出约至伍升随手血肉俱壞每宿渐多痒痛不可名状唯吃水卧在牀上昼夜号哭舌尖出血不止身齿俱黑唇动鼻开治之但饮盐醋汤拾数盏即愈

第二十二

眼赤鼻张大喘浑身生班毛髮起如铜铁盖目中热毒气结于下焦治用白矾滑石各壹两为末都作壹服水叁碗煎去半冷不住饮候尽乃安

第二十三

有防如蟹走于皮下作声如小儿啼为筋肉之化治用雷丸雄黄各壹两为末掺在猪肉壹片上炙熟吃尽自安

第二十四

手足甲忽然长倒生刺肉如锥痛不可忍治只便吃葵菜自愈

第二十五

鼻中毛出昼夜可长五尺渐渐麤圆如绳痛不可忍虽忍痛摘去茎即复更生此由食猪羊血过多生治用乳石 砂各壹两为末以饭圆如桐子大空心临卧各壹服水下拾粒自然退落

第二十六

面上及遍身生疮似猫儿眼有光彩无脓血但痛痒不常饮食减少久则透腔名曰寒光疾治多吃鱼鸡葱韭自愈

第二十七

胁破肠出息秽多急以油摸肠却送入煎人参枸杞汤淋之皮自合矣吃羊肾粥十日愈

第二十八

口鼻中气出盘旋不散凝如黑葢色过十日则渐渐至肩胛与肉相连坚胜金石铁无由饮食此多因疟后得也治煎泽防汤日饮叁盏连服伍日愈

第二十九

妇人月信出皆为禽兽之状以伤人治先将绵塞陰戶只顿服没药壹两余作圓散可服即时止

第三十

遍身忽然肉出如锥既痒且痛不能饮食此名血住若不速治必溃而脓出治以赤皮葱烧灰淋洗吃豉汤叁盏自安矣

第三十一

眉毛摇动自不能视交睫唤之不应但能饮食有经日不较者治用蒜叁两取汁酒调下立愈

第三十二

毛窍非一次齐血出不出皮胀膨膨如鼓须臾眼鼻口被气胀合此名 溢治饮生姜水贰盏自安

第三十三

忽气上喘不能语口中汁似脂如流吐逆齿皆摇动气出转大则闷絕苏复如是名曰伤寒并热霍乱治用大黄人参末各半两水叁盏煎至壹盏热去滓壹服尽

第三十四

口内生肉毬臭恶自己恶见有根线长五寸余钗股吐毬出以饮食了却吞其线以手轻捏痛彻于心力困不可言治用吃水调麝香壹钱叁宿验

第三十五

浑身生燎胞如甘棠梨每个破出水内有石一片如指甲面大胞复生抽尽肌肤肉则不可治

急用荆三棱蓬莪术各伍两分叁服酒调下

第三十六

头面发热有光色他人手近之如火烧人治用蒜汁半两酒调下吐出蛇状遂安

第三十七

人自觉自形作两人并卧不别真假不语问亦无对乃是离防治用辰砂人参茯苓浓煎汤服之真者气爽假者化矣

第三十八

牙齿逐日长渐渐胀开口难为饮食盖髓溢所致只服白术愈